


林  
馬氏宗譜

254
7132
1

乾隆乙未重輯庚子再輯


吳縣西洞庭馬

氏宗譜





包山馬氏五脩宗譜序  
譜系之興也尚矣古者小  
邦國之志以真繫世辨昭穆  
而屬之宗伯者至詳且悉降  
至魏晉尤重門閥故有九品  
中正之設以類族辨物自唐



以下譜學舛矣近代家多有  
譜而或附會假借攀援頭覺  
以相銜耀記載失實有識者  
病之且士大夫之家所以能保  
世深大見重於鄉國而號為  
甲族者無他焉母之惟是其

族多賢子孫懋本行尚名節  
以為前人光耳起必據高爵  
擁厚貲去相望也雖以高爵  
厚貲而文行皆無足觀遂足  
為宗族先乎然則作譜而板  
援頭爵者甚矣謂如吳縣邑



山風氣淳古其名族曰徐陸  
沈蔡馬蔣屠勞馬氏家法嚴  
修謹族人多賢如其階品賢  
產無甚烜赫而族望甚著今  
年夏有文學馬君名尚謨者  
走使奉幣以宗譜乞予序其

緣起攷馬氏系出茂陵王五代  
周末有平南將軍諱抗女因  
陳橋共變棄官隱色山子幼道  
家爲至南宋紹定中有諱國  
珍字鈞石者舉賢良方正科  
至京自陳所志不願受官賜誦

靜逸處士載王文恪震澤編  
平甫北居馬城靜逸遷洞山  
後析支為前堡為前墳為曠  
里為唐灣其徙於他處者在吳  
則崑山在楚則均州湘潭漢陽  
濟陽武昌皆有之至筮仕往



有至郡守州牧縣令者瓜瓞綿  
衍六云盛矣而譜牒則叙自前  
明成化至本朝康熙庚子凡  
四刻庚子至今乙未又五十六年  
世遠而益分多前譜所未及載  
不可無以續之君特蒼萃採輯

以成是編雖遠溯平南靜遠  
以下皆據實直書無所攀附  
一展卷而支析派別瞭然在目  
生卒娶葬爵秩行蹟歷歷可  
稽吁馬氏之世澤何其長哉嘗  
聞班固堅弓言士食舊德之名

氏農服先疇之畎畝商循族  
去之所鬻工用高曾之規矩而  
蘇明允作蘇氏族譜序則曰服  
始於哀至於無服至服則塗人  
也一人之身分而至於塗人譜  
之所以作也今馬氏之族殆有



合於孟堅所稱馬氏之譜其深  
得明允之義者歟且邑山多大  
估而馬氏居丘林屋有桑麻  
黍禾之饒不媿貿遷工作未伎  
抑加甚焉然以食舊德以先  
疇其澤正未有艾又有譜以

朕屬之使之親畫而終不致為  
塗人古者真繫在解昭穆之  
遺言小有藉以永存者歟又  
何庸攀援顯貴而以為榮也  
吾朝道化翔洽風俗茂美

聖祖頌萬言諭爰有惇睦宗族之訓

若馬氏家法洵無愧承平望族  
者予忝從太史氏之後載筆採  
風乃其職也遂序其譜以為輶  
軒使者告焉時乾隆四十年歲  
次乙未夏六月

賜進士及第



誥授通議大夫內府光祿寺正卿前  
內閣學士兼禮部侍郎日講  
官起居注官翰林院侍讀學  
士王鳴盛西莊氏撰序



王馬城支一十九世孫  
 諱尚榮字文元領藏  
 住馬村



第壹號譜一部
計四本給
馬城支一十九世孫
諱尚榮字文元領藏
住馬村



馬氏重修宗譜目錄

原序

汪汝徹

初輯馬氏宗譜序

陳完

初修景陽自序

十二世孫春

三修馬氏宗譜序

合修序附載

蔣一粲

四修馬氏宗譜序

繆日藻

東漢伏波將軍本傳

後漢書

宋賜靜逸處士號璽書

靜逸處士像贊

李東陽

又

楊一清

又

杜啟

又

王鏊

洞山支馬氏祠堂碑記

彭啟豐

關峯塢勝三公墓圖

附說

七賢山真三公墓圖

附記



碣銘傳畧

舊刻十一首  
新增十三首

宋桂巖公墓碣銘

初刻

顧禧

宋靜逸處士公傳

初刻

俞琰

彥昌馬公墓碣

二刻

周素

自怡處士墓表

二刻

錢傅

明山西大同府同知默菴公墓表

二刻

徐縉

雲崖禮四公行實

二刻

孫寵

貢士薇庭公墓碣銘

二刻

陸俸

邑廩生椒山公述畧 二刻

族孫 世隆

鄒嶧公傳畧 五刻

族曾姪孫 尙謨

薇菴處士馬公墓表 四刻

繆曰藻

伯高公傳 三刻

蔣 榮

良臣公述畧 五刻

孫 尙謨

行三公述畧 五刻

族孫 尙謨

馬君昆陽生壙誌 五刻

范 晉

樂菴馬君暨元配仇孺人墓誌銘 五刻

彭啟豐

三孝子傳

五刻

許集

國學馬君庭山傳

五刻

張士俊

節婦屠孺人傳

三刻

秦嘉銓

節婦徐孺人傳

五刻

嚴繩孫

節婦謝孺人傳

五刻

嚴福

節婦吳孺人傳

五刻

邱庭澂

節婦蔡孺人傳

五刻

沈鼎

節婦仇孺人傳

五刻

仇邦偉

烈婦黃孺人傳

五刻  
徵詩感附後

張士俊

雜文

長庚公像贊

彭啟豐

芸莊公像贊

彭啟豐

讀芸莊公遺訓跋後

彭啟豐

又

李繩

又

王鳴盛

附洞庭形勢論

後并附足徵  
集詩三首

信世隆



凡例

景陽公初編凡例

系表  
二十世  
十一世至

七則

康熙庚子續輯凡例

四則

乾隆乙未續修凡例

系表  
十六世  
十三世至

七則

扶風世系表前圖計二十四世

卷一 山支一圖至三圖世系表

十二世  
一卅至

宗譜世系圖表說

洞山支分七支字派總目

圖

洞山支大宗首節世系總圖

洞山分支世系圖

洞山支一圖至三圖世系表

一世至十二世

卷二

洞山支第四圖世系表

十三世至十六世

卷三

洞山支第五圖世系表

十七世至二十世

卷四

洞山支第六圖世系表

二十世至二十四世

卷五

瞳里支世系圖廿系表

二十世至廿四世

卷瞳里支三圖至六圖世系表

唐灣支世系圖四圖廿系表

十六世至廿一世

唐灣支三圖至六圖世系表

卷六

湘潭支世系圖六圖廿系表

湘潭支三圖至六圖世系表

卷七

前堡支世系圖

六圖世系表

前堡支一圖至四圖世系表

一世至十六世

卷八

前堡支五圖至六圖世系表

前堡支第五圖世系表

十七世至二十世

卷九

前堡支第六圖世系表

二十世至二十二世



卷十

均州支世系圖

均州支三圖至六圖世系表

馬氏家譜原序

馬氏之望有茂陵東海南陽三派東海祖西漢大司徒扶德侯  
宮茂陵祖東漢伏波將軍新息侯援南陽則或祖漢揚武將軍  
全椒侯成或祖漢捕虜將軍揚虛侯武皆各自爲宗而茂陵獨  
以明德皇后故聲勢赫濯與郭陰樊並號天下四大姓西洞庭  
之馬相傳系出茂陵其先遷徙之跡世遠難稽至郭周顯德中  
有平南將軍諱抗者始奠居洞庭之馬城里迄今甫及五傳而  
其元孫廷瑞懼後世源遠益分漸至忘其所自出也爰上自高

祖下逮子姪創錄成帙持以示余余觀其所錄雖世代未遠族屬未繁然其發凡起例於疑信同異之間辨皙極嚴有非輓近譜牒家所能津逮者何則茂陵之胄在漢魏兩晉勲爵相承其譜系固上達國史但歷唐季五代之亂兵燹洊經散亡磨滅卽僅有存者亦屬依約傳聞之說信以爲真或恐自誣其祖宗故廷瑞所錄凜遵五服始於高祖之例斷以平南爲第一世祖信以傳信也自平南上溯新息舊傳二十四世諱字爵秩雖尙可考然出於煨燼殘缺之餘安保前世纂輯補綴之時無作僞亂



真之弊故新息以後二十四世僅附篇首置諸闕疑之條而不  
敢列以爲祖疑以傳疑也平南尙有一弟名愉以其未從平南  
遷山亦削而不錄蓋準喪服而論高祖之昆弟無服無服則不  
必錄準遷山而論兩人旣分居異地數傳之後遠難猝辨贅而  
誌之適啟後人誤聯匪族之媒則不可錄其不錄也又所以辨  
異於同也蓋天下事非辨異無以統同非闕疑無以徵信自九  
品中正之法行世競以門第相誇其起家寒微者往往不愛重  
幣影附華宗甚至棄其祖宗而遠祖他人否則憑謬誤相沿之



語而令其祖宗謂他人父謂他人母又不然則於始祖以前臆  
增數十百世俾上接黃農虞夏以炫其源流之遠相欺以矯誣  
相攀以賄賂習焉成風恬不知怪而廷瑞獨能不爲流俗所移  
謹慎本源如此可謂特立之士矣予故表而出之以愧厲世之  
飾僞以欺祖者淳熙四年冬十有二月端明殿大學士汪澈書

巖山衣僧而不給蓋率喪祖而飾高祖之長策無祖無祖不  
疑以爲脈髮以斬髮也平南尙有一弟各命以其未發平南  
真之藥若消息以終二十四世勤勤首置齒關髮之新而不

包山馬氏族譜舊序

先王合族之道喪小宗之法壞賢人君子不能世其家而有忘其祖者其可感也矣合族所以敬宗所以尊祖各承其序而不紊也嗚呼族不可以無譜譜之者上以統本原之所自出下以明昭穆支派之所分尊卑秩然親親而義洽孝悌之心油然而生施之於家由家施之一族豈有視如塗人者哉吳邑包山馬氏蘇之望族也其先爲伏波將軍援至二十四世孫諱抗者仕後周爲平南將軍陳橋之變守志不屈棄官隱包山六傳而有

名國珍字鈞石者宋紹定中舉賢良方正科至京自陳所志不願受爵璽書賜號靜逸處士載吳縣誌與震澤編厥後子孫蕃衍而族日昌大或耕或讀皆能世其家今平南十二世孫有名春字景陽者思作譜以統之但自伏波公以下世系雖可考而闕畧殆多遂以平南爲遷吳之始祖至景陽十二世支分派別昭穆有序秩然不紊以篤其親親之情若景陽者可謂賢矣昔范宣子言虞夏以來保姓受氏之遠而叔孫穆叔以立德立功立言告之三者有其一則可光其祖而顯其族今觀馬氏之譜

平南將軍勲業重當時可謂立功者歟國珍有隱德被璽書之  
榮徵召不赴斯亦立德歟景陽能修是譜以信今而傳後亦立  
言也爲馬氏之子若孫者其永篤象賢濟美之志歟

成化十三年歲次丁酉夏四月廬山陳完拜撰



吾馬氏出自嬴姓伯益之後戰國時趙惠文王封趙奢爲馬服君子孫氏焉至東漢光武中興伏波將軍援以佐命元勳顯重當時載於史傳爲春三十五世祖然世系雖存而闕畧者多莫可稽考今書伏波公於前圖原其本也次書平南府君遷吳之祖也斷爲始祖以實其所自出自平南府君而下言行可記者悉書之譜圖之後詳其近也而伏波公以下多郭公夏五之傳疑畧其遠也譜圖之法莫詳於歐陽氏而大宗之法莫詳於蘇

氏春按歐陽譜圖而修之而歐陽氏曰五世之外子孫各詳其

所自出其法不失於所尊而幾於嚴而疏蘇氏亦曰自一人之身分而至於途人者勢也觀斯譜者孝悌之心可以油然而生矣其用意甚疏而或流於廣而泛不疏不泛以求夫仁之至義

之盡焉此春之所以修譜也氏族不可不重也爲子孫者知所

重而修之則於歷世之遠支派之分盛衰隱顯死生弔慶周恤之禮其不視於途人者茲譜有以啟之也爲吾子孫者尙當續

而修之成化十二年歲次丙申夏五月  
嗣孫春  
敬書

馬氏三修譜序

憶從伯父養白公授余章句時蓋當崇禎乙丙間余之齒生纔六七也有客自祖籍來體氣修偉盛年而謹重先子同之晉見伯父肅然執門墻禮先子顧余曰此馬氏表叔伯高先生也汝小子其以子姪之位修伏謁焉余唯唯不敢違惟時余大母猶在堂見先生之拜而存之也亦若余之居子姪位者心識而未詳其故稍習焉乃知余之高曾皆自後埠贅於馬氏爲舅甥姑姪者殆兩世矣山中素敦嫻睦而先生尤厚重守禮故於中表



馬氏家乘  
卷之二  
之往來如此云然此僅識其人未知其家也後約十年值天下  
大故余同先世父從兵燹之餘襄大母喪始得升先生堂飲先  
生酒蓋不特幸見先世風雨之廬而已又約十年先生以愛女  
字季弟子侍先子送弟就婚始悉先生之族黨閭里又十年而  
余之家難游及季弟迎養先子每承先生不吝筆墨之郵慰撫  
而勞勉之不二期而余復抱痛於先子今以春秋墓祭時過山  
中從先生游無間一日出函書相示曰此我扶風世譜也修之  
已閱若干世今將踵前事子盍以一語爲我引端余受讀之竟



蓋至是不特知先生同時並生之族人而且知先生之高曾與受姓之由來矣回思識先生時迄今五及乙丙而不敢忘不敢忘者何識其人知其家而悉其族人與熟其譜系之所由然而或者曰子序譜而何以不作序譜之言也余笑而應之曰此正余序馬氏之譜之言而非猶世人序世人之譜之言也彼公卿而疇隸無論已每見秀民之子掇其朝華依附先達而不肖子孫明知弗類故羶附之甚至野鬼瞰室家衆操戈慶弔不通饑寒不卹前則無譜而強爲有譜後有譜而等於無譜是大失

乎先王類族辨物之心得罪於周官立譜之法者也今觀馬氏之譜其遞及則爲漢唐宋與明如列眉也其分枝則爲馬城錢墳洞山前堡疇里如指掌也其隱顯耕讀孝友節義之實行悉節錄夫碑銘傳記之言而系諸後如觀火也猗歟盛哉謂非傳信之家珍而述者之功不媿美於作者乎雖然此特自譜言之耳若余之所以爲馬氏慶而樂得而序之之意則仍不在此蓋初之識先生之人其攸好德至今如昔也次之知先生之家其吉祥善事施子及孫至今弗改也三之悉先生之族其伏臘修

而長幼序室廬田畝雖更澤火至今勿遷也最後熟先生之譜  
系益喟然於源遠流長之說知其一世二世以至今日是皆出  
於積德累仁始終弗替故能上承先澤其本本者驗之今日而  
益信也下啟後人其源源者卜之今日而可決也余亦就生平  
之知先生者以序馬氏之譜耳而敢效世人言乎哉若其修之  
之大凡先生主之而訂核繕寫之勞則先生之弟煥文長儒姪  
耀彩抑甫季君明揚居多例得而附見之時康熙廿六年丁卯

夏四月華亭文學蓼亭蔣燦拜撰



馬氏四修宗譜序

曩余先祖學士贈公授徒於西洞庭洞山里馬氏因得吉壤於偏牛之陰爲予高曾十兆域焉旣而先大夫於康熙辛未果大魁天下以祖宗邱壟之所在遂以予從祖姑字馬公季祥期以姻婭之誼俾先兆有託此予宗與馬氏所謂潘楊之睦所自來也庚子之夏其族重修宗譜族中長者宏德宏儒敦義及琪來問序於予予惟自周官之法廢而天下始有踈乘其本支者矣今觀馬氏之譜列爲先後兩圖首圖則祖東漢伏波公援原其



所自出也然篇多缺畧斷爲二十四世以後周平南將軍諱抗者爲遷吳之一世祖其與老泉之不祖蘇味道而以近親爲祖者正同然蘇氏有云自吾之父以至吾之高祖仕不仕娶某氏生卒皆書而其他則不書詳吾所自出也吾之祖父皆曰諱某而他  
不書尊吾所自出也其意蓋以爲詳與尊之權吾得而專之獨不思數世之後族更有賢焉起而修之不又將卑畧吾親而尊詳其所親乎是適以自厲也茲馬氏譜於其在山中者派分爲四曰洞山錢墳前堡疇里其在他省者曰均州曰湘潭支

有遠近而書法畫一卽小史奠繫世辨昭穆之意也其年高德  
邵與節婦貞女或爲耑傳於前或著小傳於後卽族師書其孝  
悌睦嫻之意也豈非有合於周官之法歟殆又賢於蘇氏之譜  
矣予觀馬氏自平南遷吳之後處士公遜蹟邱園潛德弗耀子  
姓登仕版者雖不大顯要之士食舊德農服先疇幾千年也詩  
曰子子孫孫弗替引之其馬氏之謂乎予與馬氏世講非一日  
故於序其宗譜不憚縷述如此云首執

康熙五十九年夏五月

賜進士及第翰林院編修繆日藻頓首拜

日千千流流浪替原之其思及之臨平字也溫及廿韓非一日  
故登升颯漸輟不大隱要女士余野語是與夫謝幾于季少侍  
笑于贈語及日平南歌吳文外士公選讀既閱響聲與對于  
制製賜之意也豈我存合外原官之書意深及復分痛及之謂  
能與諸韻貞文及流流與律律定若小除然發時效而書其孝  
孫發及而書去畫一唱小史與樂甘糖即錄之意也其平高

勅賜靜逸處士璽書

向存仲賓家

奉

天承運

皇帝制曰咨爾儒人馬國珍秉性剛明持身雅正讀書樂道志  
操逸於古人樂善安閑簡靜宜爲君子不爲祿仕甘分山  
林可賜號靜逸處士

勅命

紹定元年 月 日

之寶





靜逸公像贊  
公之德重蓋真宗之覺不謂其體理之志

李文正公東陽

玉潤流輝珠圓燦光淵德含哀懿聲孔揚不應宸聘空谷徜徉  
賜號靜逸百侯攸昌士思公之新恩贊而壽首幽而永壽高天

邃菴先生楊一清

視其衣冠知飭於外者之雅肅瞻其儀容知養於內者之中和  
丹青之傳垂典型於後世錫命之寵耀潛德於澗阿噫貞白之  
風宜其世守而不磨也

字子開吳縣人元外丁未數士南京

鳳直 五岑杜先生啟

啟字子開吳縣人成化丁未進士南京監察御史

雅矣靜逸卓哉令名白賁山樊芝秀蘭薰霜空獨鶴春渤長鯨  
墳典淵蓄儀矩先羣歆允宸陛錫號攸旌仰止丹青金玉爾形

王文恪公鑿

噫是惟有宋靜逸處士馬公之像貌質而揚道幽而光義高天  
壤名動帝王錫之命書隆以名號考德無慚於身有耀然九重  
之意雖云能及其褒而一時議者猶恨未抵於用是徒見道義  
之可嘉夫孰知隱者之所重蓋雖真宗之賢不能奪魏野之志



而和靖之稱適爲孤山之寵也是以節義顯如光於里閭聲名  
奕如久而弗渝予主敦百年之後猶得起敬於丹青之餘

因舊正誤附載又吳滌昔之譜姑蘇譜爲五譜禮言治效對贊  
處士公向刻大元舉公賢良云云茲查舊譜禮四公并椒山公  
述畧皆云紹定元年松年公遷居洞山之陽處士松年二公兄  
弟也而異世耶向時震澤編吳縣志皆刻紹定後因無錫合刻  
時改爲大元舉公賢良而璽書並無年月以致翁季霖具區志  
金玉相太湖備考皆列之元季人物內此皆吾宗譜之貽誤也



揆厥所由蓋因處士公璽書向存仲賓家而仲賓遷居楚之岳  
州故年月失傳而莫可攷又景陽公創譜於明成化中至鄒嶧  
公崇禎續修已百五十餘年故魯魚亥豕貽誤後人至此也不  
然者平南爲北宋人至元泰定凡二百五十餘年而世止六傳  
豈理也哉前人因陋就簡不暇致詳茲不得不正其誤恐閱者  
因舊譜之誤而反疑新者之訛故特著爲正誤數言係於像贊

後云

二十世孫肖謨董識

而味故之辨庶幾無山之謬也長以酒養潤喉火其風何如也

洞庭山馬氏祠堂碑記

古之祀先者自君卿大夫士降殺遞降而皆曰廟庶人則祭于寢而無祠堂之名漢世有建祠於墓者唐宋以來遂有墓祭夫墓祭非古也禮曰尊祖故敬宗敬宗故收族貴賤有等而尊祖敬宗之道上下同之近世士大夫家率有宗祠祠必遡前代勲爵賢達一人爲世祖而以遞傳世次附之名曰祠堂間有載之祀典者春秋展祭長幼以班因而與堂宇崇檐牙使子姓兄弟咸不忘其所自生而出戶如見入戶如聞篤本源之義昭霜露

之思此亦爲人子孫者不忘親親之善則也萬物本乎天人本  
乎祖故豺獭皆知報本祠堂之設曷可少歟吳邑洞庭馬氏其  
先系出伏波將軍援二十四傳而有諱抗者仕後周爲平南將  
軍周亡棄官隱吳之包山子孫遂家焉六傳而至南宋紹定中  
諱國珍者舉賢良方正徵至京自陳所志不願受爵璽書賜號  
靜逸處士載王文恪震澤編厥後子孫繁衍遂析而爲前堡前  
墳疇里唐灣其遷徙於崑山武昌湘潭濱陽均州者多或數百  
家少亦不下數十戶其筮仕至守令學博等官而總以洞庭支



爲大宗居洞庭者家法謹嚴子弟穎秀具懷報本之意乃於乾隆二十二年捐金建祠於西洞庭林屋之陽中奉新息候原所自出而祖其功也次則平南將軍紀始遷也再次則靜逸處士核其近而宗其德也祠成久未勒石茲乙未孟冬文學馬君尙謨謁予請記予惟唐宋以來記祠堂者甚夥而惟嚴先生與顏魯公二祠堂記膾炙人口豈不以嚴先生之節操振於古今顏魯公之忠烈昭於天壤而范魯二先生之交遂附以不朽歟今馬氏伏波公忠烈不減魯公而處士之潛德弗耀亦庶幾嚴先



生之流也列之祀典無有不合况爲其子孫者以之紀先烈而  
妥祀事也哉夫易言萃渙詩咏苾芬以精誠之昭格爲祀典之  
禘皇古與今一也上與下同也予願馬氏之世守其祠而勿替  
也遂爲之記俾鑄之石而系以詞曰

嶽稜伏波威荒裔延及平南美克濟靜逸高蹈甘投袂丹房  
石室重迴閉山名林屋饒清麗雲祠卓立山之際曷爾子孫

保永世

乾隆四十年歲次乙未孟冬閏十月上浣

賜進士及第

誥授光祿大夫

經筵講官兵部尚書都察院左都御史吏兵

刑左右侍郎彭啟豐撰文

賜進士及第

誥授通議大夫

內府光祿寺正卿前

內閣學士兼禮部侍

郎 日講官起居注官翰林院侍讀學士王鳴盛西庄氏書

丹并篆額

漢伏波將軍新息忠成侯馬援本傳

節鈔

後漢書

參東觀記

馬援字文淵扶風茂陵人也其先趙奢爲趙將號曰馬服君子孫因爲氏武帝時以吏二千石自邯鄲徙焉曾祖父通以功封重合侯通生賓宣帝時以郎持節號使君使君生仲官至元武司馬仲生四子況余員援況余員並有才能王莽時皆爲二千石援年十二而孤少有大志諸兄竒之嘗受齊詩意不能守章句乃辭況欲就邊郡田牧況曰汝大材當晚成良工不示人以朴且從所好會況卒援行服暮年不離墓所敬事寡嫂不冠不



入廬後爲郡督郵送囚至司命府囚有重罪援哀而縱之遂亡命北地轉游隴漢間嘗謂賓客曰丈夫爲志窮當益堅老當益壯因處田牧至有牛馬羊數千頭穀數萬斛旣而嘆曰凡殖貨財產貴其能施賑也否則守錢虜耳乃盡散以班昆弟故舊身衣羊裘皮袴王莽敗避地涼州隗囂以爲緩德將軍時公孫述稱帝於蜀囂使援往觀之援素與述同里閤相善以爲旣至當握手歡如平生而述盛陳陛衛以延援入欲授援以封侯大將軍位賓客皆樂留援曉之曰天下雌雄未定公孫不吐哺走迎



國士與圖成敗反修飾邊幅如偶人形此子何足久稽天下士  
乎因辭歸謂囂曰子陽井底蛙耳而妄自尊大不如專意東方  
建武四年囂使援奉書洛陽世祖引見於宣德殿迎笑曰卿邀  
遊二帝間今見卿使人大慙援謝曰當今之世非獨君擇臣臣  
亦擇君臣與公孫述同縣少相善臣前至蜀述陞戟而進臣臣  
今遠來陛下何知匪刺客姦人而簡易若是帝笑曰卿非刺客  
顧說客耳援曰天下反覆盜名字者不可勝數今陛下恢郭太  
度同符高祖乃知帝王自有真也帝甚壯之援歸囂問京師得

失援曰前到朝廷引見數十每接讌語才明勇略非人敵也且  
開心見誠無所隱伏闊達多大節略與高帝同經學博覽政事  
文辯前世無比囂曰卿謂何如高帝援曰不如也高帝無可無  
不可今上好吏事動如節度又不喜飲酒囂意不懌曰如卿言  
反復勝耶然雅信援故遣子恂入侍援因將家屬隨恂歸洛陽  
居數月而無他職任乃上書求屯田上林苑中會隗囂用王元  
計意更狐疑援數以書記責譬於囂囂怨援背已得書增怒其  
後遂發兵拒漢援上疏願詣行在所極陳滅囂之策帝召援計

事援具言謀畫因使援將突騎五千往來游說囂將高峻任禹之屬下及羗豪爲陳禍福以離囂友黨八年帝自西征囂至漆諸將多以王師之重不宜遠入險阻援於帝前聚米爲山谷指畫形勢開示衆軍所從道徑往來分析曲折昭然可曉帝曰虜在吾目中矣明日遂進軍至第一囂衆大潰九年拜援大中大夫副來歙監諸軍平涼州自莽末西羗寇邊遂入居塞內金城屬縣多爲虜有十一年夏拜援隴西太守擊破先零羗於臨洮是時朝臣以金城破羗之西塗遠多寇議欲棄之援上言破羗



以西城多完牢易可依固其田土肥壤灌溉流通如今羗在湟中則爲害不休不可棄也帝然之於是詔武威太守令悉還金城客民歸者三千餘口援奏爲置長史繕城郭起塢候開導水田勸以耕牧郡中樂業於是隴右清靜援務開寬信恩以待下任吏以職但總大體而已賓客故人日滿其門諸曹時白外事援輒曰此丞掾之任何足相煩頗哀老子使得遨遊若大姓侵小民黠羗欲旅距此乃太守事耳傍縣嘗有報仇者吏民驚言羗反百姓奔入城郭狄道長詣門請閉城發兵援時與賓客飲



笑曰燒虜何敢復犯吾後稍定郡中服之視事六年徵入爲虎  
賁中郎將初援在隴西上書宜如舊鑄五銖錢事下三府三府  
以爲未可及援還更具表言帝從之天下賴其便援爲人明鬚  
髮眉目如畫閑於進對尤善述前世行事每言及三輔長者下  
至閭里少年皆可觀聽自皇太子諸王侍聞者莫不屬耳忘倦  
又善兵策帝嘗言伏波論兵與我意合每有所謀未嘗不用交  
阼女子徵側徵貳反寇略嶺外六十餘城側自立爲王於是璽  
書拜援伏波將軍擊之緣海而進隨山刊道千餘里十八年春

馬氏家乘  
軍至浪泊上與賊戰破之斬徵側徵貳傳首洛陽封援新息侯  
食邑三千戶乃擊牛醢酒勞饗軍士從容謂官屬曰吾從弟少  
游常哀我慷慨多大志曰士生一世但取衣食裁足乘下澤車  
御欵段馬爲郡椽吏守墳墓鄉里稱善人斯可矣致求盈餘但  
自苦耳當我在浪泊西里間虜未滅之時下潦上霧毒氣重蒸  
仰視飛鳶跼跼墮水中臥念少游平生時語何可得也今賴士  
大夫之力被蒙大恩猥先諸君紆佩金紫且喜且慙吏士皆伏  
稱萬歲援擊側貳餘黨自無功至居風嶠南悉平所過輒爲郡

縣治城郭穿渠灌溉以利其民條奏越律與漢律駁者十餘事  
與越人申明舊制以約束之自後駱越奉行馬將軍故事二十  
年秋振旅還京師帝賜援兵車一乘朝見位次九卿援好騎善  
別名馬於交阯得駱越銅鼓乃鑄爲馬式上之有詔置於宣德  
殿下以爲名馬式焉初援軍還將至故人多迎勞之平陵人孟  
冀名有計謀於坐賀援援曰方今匈奴烏桓尙擾北邊欲自請  
擊之男兒要當死於邊野以馬革裹尸還葬耳何能臥牀上在  
兒女子手中耶冀曰諒爲烈士當如此矣會匈奴烏桓寇扶風



援請行許之詔百官祖道援謂黃門郎梁松竇固曰凡人爲貴當可使賤如卿等欲不可復賤居高堅自持勉思鄙言松後果以貴滿致災固亦幾不免援嘗有疾梁松來候之獨拜牀下援不答松去諸子問曰梁伯孫帝婿貴重朝廷公卿以下莫不憚之大人奈何獨不爲禮援曰我乃松父友也雖貴何得失其序乎松由是恨之二十四年武威將軍劉尚擊武陵五溪蠻夷深入軍沒援因復請行時年六十二帝愍其老未許援自請曰臣尙能被甲上馬帝令試之援據鞍顧盼以示可用帝笑曰矍鑠



哉是翁也遂遣援征五溪軍次下雋有兩道可入從壺頭則路  
近而水險從充則塗夸而運遠中郎將耿舒欲從充道援以爲  
棄日費糧不如進壺頭搃其咽喉充賊自破三月進營壺頭賊  
乘高守隘水疾船不得上會暑甚士卒多疫死援亦中病遂困  
乃穿岸爲室以避炎氣賊每升險鼓譟援輒曳足以觀之左右  
哀其壯意莫不爲之流涕耿舒與兄好時侯弇書曰前舒上書  
當先擊充糧雖難運而兵馬得用軍人數萬爭欲先奮今壺頭  
竟不得進大衆拂鬱行死誠可痛惜前到臨鄉賊無故自致若

夜擊之即可殄滅伏波類西域賈胡到一處輒止以是失利今果疾疫皆如舒言弇得書奏之帝使梁松責問援會援病卒松宿懷不平遂因事陷之帝大怒追收援新息侯印綬初援兄子巖敦並喜譏議而通輕俠客援前在交趾還書誡之曰吾欲汝曹聞人過失如聞父母之名耳可得聞口不可得言也好論議人長短妄是非正法此吾所大惡也寧死不願聞子孫有此行也汝曹知吾惡之甚矣所以復言者施衿結褵申父母之戒欲使汝曹不忘之耳龍伯高敦厚周慎口無擇言謙約節儉廉公

有威吾愛之重之願汝曹效之杜季良豪俠好義憂人之憂樂  
人之樂清濁無所失父喪致客數郡畢至吾愛之重之不願汝  
曹效也效伯高不得猶爲謹飭之士所謂刻鵠不成尙類鶩者  
也效季良不得陷爲天下輕薄子所謂畫虎不成反類狗者也  
訖今季良尙未可知郡將下車輒切齒州郡以爲言吾常爲寒  
心是以不願子孫效也季良名保時爲越騎司馬其仇人上書  
訟季良爲行浮薄亂羣惑衆伏波將軍在交阯還書以誡兄子  
而梁松竇固以之交結將扇其奸僞敗亂諸夏書奏帝召責松



固免季良官伯高名述爲山都長由此擢拜零陵太守初援在  
交趾常餌薏苡實用能輕身省慾以勝瘴氣南方薏苡實大援  
欲以爲種軍還載之一車時人以爲南土珍怪權貴皆望之援  
時方有寵故莫以聞及卒後有上書譖之者以爲前所載還皆  
明珠文犀帝益怒援妻孥惶懼不敢以喪還舊塋裁買城西數  
畝地槁葬而已嚴與援妻子草索相連詣闕請罪帝出松書示  
之方知所坐上書訴寃前後六上辭甚哀切然後得葬前雲陽  
令同郡朱勃詣闕上書爲援訟寃書奏報歸田里勃字叔陽年



十二能誦詩書常候援兄況勃衣方領能矩步辭言嫺雅援裁知書見之自失況慰曰朱勃小器速成智盡此耳卒當從汝稟學勿畏也及援爲將軍封侯而勃位不過縣令援後旣貴常待以舊恩而卑侮之勃愈身自親及援遇讒唯勃能終焉初援兄子壻王磐王莽從兄平阿侯仁之子也擁富貲居故國爲人尙氣節愛士好施與太尉陰興大司空朱浮齊王章共相友善援謂姊子曹訓曰王氏廢姓也子石當屏居自守而反游京師長者用氣自行多所陵折其敗必也後歲餘磐果死洛陽獄而磐

子肅復出入北宮及王侯邸第援謂呂种曰建武之元名爲天下重開自今以往海內日當安耳但憂國家諸子並壯而舊防未立若多通賓客則大獄起矣卿曹戒慎之及郭后薨帝收捕諸王賓客更相牽引死者以千數呂种亦豫其禍臨命歎曰馬將軍誠神人也永平初援女立爲皇后至十七年援夫人卒乃更修封樹起祠堂建初三年肅宗使五官中郎將持節追策諡援曰忠成侯四子廖防光客卿客卿幼而岐嶷年六歲能應接諸公專對賓客嘗有死罪亡命者來過客卿逃匿不令人知外



洞山支始祖勝三公墓向係真一公真二公兩支管理至  
康熙九年真二公裔孫公祿往楚將山三畝推出又回贖  
心葵盜賣山九畝二分三釐又續置馬君鄉山二畝皆坐  
落馬村南塢三十四都六畝成字圩今收歸三十四都十  
畝辨糧其南至山頂北至小路東至入山路西至小澗舊  
傳大小三百餘塚其中有田姚徐張等墓又乾隆三十四  
年唐字支第十九世孫樂庵公墓亦在祖塋墓道之西偏  
計額四畝三分四釐六毫因特圖於後



關峯塢  
勝三公  
墓圖



指賄四旭  
平風字  
關大小三百  
晉轉縣其南  
墓林南計二十四  
心葵盜賣山  
東照火

本

始

測

地

平

香

祖

界為頂以

鳴石

寺

祖三公家園



勝三公墓圖說

吾宗遷山祖平南將軍也勝三公遷山第五世祖也不圖  
平南墓而圖勝三何也覈實也其覈實者何平南始居馬  
城六傳而真三公遷居洞山留真二公一支守馬城祖墓  
厥後真二支式微墓地或竊售他姓或侵漁豪猾相傳高  
敞百畝至明崇禎年釐剔則僅存三畝至

本朝康熙九年回贖又得十一畝二分以後漸次恢拓得山地  
二十七畝有奇其地在馬村關峯塢俗名南塢者也當崇




禎中伯勳鄒嶧諸公搜剔時得勝三處士二公斷碑殘碣  
於荒烟蔓草中易而新之而平南以下四世不敢臆斷而  
封樹表揭祇付之想像壘壘之坏土盖不得已也嗚呼孔  
子少孤不知父墓今焉越世二十越年八百安得聊曼父  
之母問之而得之也哉及今圖勝三而識之所謂失之東  
隅收之桑榆者也勝三公諱廷瑞別號桂巖靜逸處士諱  
國珍字鈞石勝三公仲子也 岢  
乾隆四十年乙未孟秋二十世孫尚謨識

七賢山

真三公

墓圖





其二公墓圖

其二公墓圖

其二公墓圖

其二公墓圖

其二公墓圖

其二公墓圖

其二公墓圖

其二公墓圖



眞三公墓圖記

眞三公諱松年字國壽號竹溪吾宗洞山支第六世祖也  
父桂巖公長兄國馨仲兄處士公桂巖公以馬村地僻人  
稠命公遷居洞山之陽而留國馨與處士二公支居馬村  
後眞三公無嗣遂以處士公長子處和爲嗣今居洞山者  
皆眞三公後而實處士公之嫡裔也墓在七賢山麓之陽  
距洞山半里而近面離背坎其祔葬者爲俊一吉三吉四  
良一良二良三良六唐一唐三唐七可一可二可四可九

等公元明之間居馬村者日以衰替而洞山支派爬蔓延  
以至各展先墓居洞山者止祭真三而於墓前樹桂巖公  
墓碣墓後封桂巖公虛塚碑曰勝三公提領之墓而馬村  
關峯塢莫一顧焉迨至明崇禎中居馬村者嗣幾斬遂將  
墓山交出洞山支管領於是七賢關峯始合而一焉七賢  
山坐落三十四都九畝藏字號計系山五則原額二畝九  
分六釐砂形畧存个字格第來脈不甚清幸餘氣甚長關  
峰塢離龍發脈安穴極高最爲合法但葬經主離鄉而發

此雖術家之言而予宗不能大振者或以此歟兩公墓圖  
前日說者闕疑也後日記者傳信也二十世孫尚謨又識

山坐落二十四宿水西麓字號皆系由五明風

墓山交出風山支管餘餘景山資財事命合兩一

開奉財莫二贈讀或至明崇前中景思林漆備幾博

墓圖墓對持卦遊公重就野日耕三本對斷之墓

以至各異夫墓岳斷山香土祭奠三節於墓前樹

...



桂巖馬公墓碣銘

予家光福山在太湖之濱桂巖家洞庭西山在太湖之中相隔  
僅盈盈一水而桂巖又嘗從予先運使公問字以故與予少同  
學長同遊交契甚密前年春桂巖歿予往哭之其子延年以銘  
請予諾之而未作今年三月二十日將葬於馬城之關峯塢復  
先期走索嗚呼予雖不能文然追念平生舊交如桂巖者何可  
多得奚忍不爲之銘也桂巖姓馬氏諱廷瑞字君祥後周平南  
將軍抗五世孫大父文瑛父忠立世居西山馬城里性英果饒

幹濟才於民生利害政治得失罔不周知而潛抑勿仕敦修於家內行醇備鄉里推爲鉅人長德先是洞庭磽确少田居民率恃果蔬爲業而橘柚尤美自隋唐以逮我朝有橘貢而無橘

稅嘉泰間權相韓侂胄主謀伐金兵出無功軍餉不繼乃日夜引計臣窮搜利孔浙東安撫使迎合其意上言洞庭橘柚名天下稅之歲可得數千金事下州縣議增置稅司歲征其稅山民震恐爭奔愬桂巖丐爲借箸桂巖慨然草章縷陳洞庭土瘠糧浮凡山谷之可植果蔬者類計畝納賦歲入已浮於他州縣之

田若復稅其所樹之果是一畝而倍征也民將何堪遍籲於當事其議始寢噫卽此一事足以覘桂巖之爲人仁心義勇上合銘法而予之爲是銘也蓋實爲洞庭兩山其銘其功夫豈徒區區朋友之情而阿私所好哉桂巖生于紹興二十四年六月十一日卒於嘉定十五年正月初二日享年六十有九配鄒氏子四延年國珍松年鶴年孫九松年無出立國珍長子處和爲嗣以馬城子孫繁衍遣松年居洞山之陽焉

銘曰  
利惟居後  
義適居先  
苛征天闕  
氓賴於全



存既有功 亡實不歿 愷澤流長 瞻茲石刻

皇宋紹定元年春三月漫莊同學弟顧禧景繁氏頓首再拜銘

大明宏治元年季春三日孝雲孫馬定馬 齋馬 朴馬 采馬 祚

元日馬 載馬 浚馬 清馬 鯤等謹立

此碑本在馬城關峯塢向因馬城洞山分祭遂錄其原文更立  
此碑於七賢山復封一虛墓題曰勝三公提領之墓俗所謂衣  
冠墓也歲久復傾圮今仍錄原文并樹碑名氏重刊焉

大清乾隆四十年乙未仲秋裔孫顯嶽尙謨世堂世傑拜誌

宋靜逸處士馬國珍傳

處士諱國珍字鈞石姓馬氏漢新息侯援之後始居茂陵至郭周時有諱抗者官至平南將軍陳橋兵變棄官隱吳之洞庭西山遂世爲西山人處士其六世孫也天質開朗讀書不屑尋章摘句而博學無方自經史百氏以及天文地志陰符遁甲之屬靡不研究年二十一悠然有求道之志聞龍溪陳北溪先生淳得考亭正傳遂往受業北溪一見大加器重盡教以古聖賢爲學之要處士篤信師說耳聆心追精進靡懈居三年辭歸聚徒

馬氏家乘  
講學一遵白鹿洞條規初洞庭山僻峙湖心鴻儒碩彥足跡所  
不至以故學者皆因陋隨俗習經義詩賦以獵取科第從未嘗  
有言道學者及處士以北溪之說提倡於山然後山中始知道  
德之足重而利祿之不足慕一時士大夫翕然爭信而從之紹  
定元年春正月詔舉山林理學名儒時朝奉大夫浙西提刑林  
介兼權知平江府事卽以處士應詔敦請上道處士不得已就  
徵至臨安二月朔引見於集英殿處士見理宗雖尊崇儒術而  
宰相史彌遠擅權賢姦倒置時未可進遂自陳志在邱園不願



就職乞放歸田里理宗知不可奪乃降璽書集賢院曰咨爾儒人馬國珍稟性剛明持身雅正讀書學道志操逸於古人樂善安閒簡靜宜爲君子不爲祿仕甘分山林可賜號靜逸處士處士拜命還山三月二十日奉厥考桂巖公妣鄒孺人之櫬合葬於關峰塢盡誠盡禮自後聲望益高從游日衆處士孜孜啟迪其教以主敬爲根基以窮理爲先務以盡性至命爲歸宿至今吾山學者趨嚮純正而不入岐途者處士之力爲多處士以淳熙十五年九月十七日生淳祐十一年四月初六日卒得年六

十有四配徐氏子四處和處仁處禮處信

論曰吾山自漢唐來淵沉豹隱代不乏人若夫倡明理學繼往  
開來則處士以前未之有也當其聚徒講道之時俊髦滿堂絃  
歌四徹至以布衣之賤名動宸聰璽書賜號嗚呼何其盛也惜  
予生也晚不及親炙其光然幸壤接世連猶得私淑於其徒少  
探淵源之萬一則處士之所以自命者豈僅肥遯爲高哉故傳  
其梗概俾後之論處士者不徒以隱逸蔽其生平是予之望也  
夫德祐元年冬十月鄉後學石澗俞琰拜謨

明故包山彥昌馬公墓碣

郡無入出汝南公周素謨文

盡其奉議大夫南京刑部郎中同郡鄒順書丹

賜進士承德郎兵部主事吳門黃鑑篆額

邑有巨姓馬氏諱禧字彥昌者後漢馬伏波將軍之裔至後周時有諱抗者封平南將軍因陳橋兵變棄官隱吳之包山遂世爲吳人大父諱憇祖諱德咸遠引高蹈母朱氏至彥昌益自韜晦飲德茹義尤尙朴素事親奉祭克盡孝敬於諸弟友愛加篤



馬氏家乘  
家庭之間鬻如也早以買遷往還荆楚間樂義無倦貧不能殮者具殮之貸不能償者輒券裂之困無依者出其有賙之宣德中舉公萬石長恪恭守分徵輸有期出納井然正統間詔徙富民實京師而彥昌慨然就役畧無難色鄉之士大夫競爲詩文以送其行及歸日與諸弟壺觴笑歌於湖山之上樂其所樂而盡其天年也於乎其得於已而及於人者厚且多矣配吳氏有淑行壯歲無所出爲嗣續計勸公納潘氏名玉英者於室氏故茗溪名家女也篤守婦道以孝謹聞節儉以佐其家而庭無間

言公生於洪武己巳五月六日卒於景泰丙子七月十九日享年六十有八潘生於永樂辛卯十二月初三日卒於景泰壬申四月初十日享年四十有二子二瑛娶沈氏瑤娶徐氏女妙貞適蔣瀛孫男女八人以天順三年三月三日葬於馬墓先兆之次乃爲合而銘之曰

原其意之所遺而知其先之善也可述揆其躬之所植而審其後之大也可必宜乎配厥賢明而並昭其令德

品明故自怡處士馬公墓表

吳之包山馬氏漢伏波將軍援之裔至後周時有平南將軍諱  
抗者因陳橋兵變矢志不屈隱居包山傳至自怡處士蓋十一  
世矣處士諱裕字彥良自怡其號也大父諱憇父諱德皆潛隱  
弗耀處士生平恭儉敦朴無侈風傲習從師問學卽卓然迥異  
凡流遇遊名山大川則必接其豪俊以廓其見聞歸則舉萬石  
長事上撫下不相漁劫鄉黨稱焉孝友其天性也常舉伏波誠  
兄子書訓子弟嘆曰昔晦菴文公輯小學以教後世尙舉此爲



馬氏家乘  
訓况裔孫乎由是族人悉肅然奉命處士夙慕高賢樂善不倦  
遇儉歲出粟賑饑活熒黎以數千計上臺勉以冠帶之榮酬其  
嘉惠處士辭曰濟人分內事也奚足榮尤好施與舉凡貧病婚  
葬以及橋梁廟貌惟處士是賴夫包山在震澤巨浸中不過一  
卷石耳其間人品不無賢愚貨財不無聚散仗義行仁求如處  
士者未易一二見也今也七賢之墟夜臺在焉亦云吉壤亦云  
芳阡松風颯颯蘿月娟娟藏靈聚秀億萬斯年援公之行合公  
之品特書數言以表其墓生卒子姓詳於墓碣茲不贅

賜進士第奉直大夫協正庶尹翰林院侍讀學士掌南京翰林院事前直文華殿國史總裁官賜一品服雲間錢傅謨

明朝議大夫山西大同府同知默菴馬公墓表

公姓馬氏諱璿字廷璋號默菴宋靜逸處士國珍六世孫世居  
吳邑西洞庭山祖惟善考鎮皆不仕公才具警拔練習吏事弱  
冠娶消夏灣蔡氏氏父蒙官浙江温州府知府召公佐其幕公  
剖析刑牘鈎稽賦籍洞若觀火蒙倚託甚至暇輒習舉子業日  
課一藝溫與閩相隣乃冒商籍於福建應督學使者科試得雋  
補興化府庠博士弟子員歲餘食餼貢入成均授莆田縣學教  
諭考滿改知山西定邊縣在縣六年政肅刑清吏民畏服督撫



以卓異薦擢大同府同知大同地逼邊郵軍旅時興知府汪琪  
文弱凡芻糧器械之務悉以委公公經畫輓輸軍儲充裕而民  
不知久之以老疾告歸民攀轅泣留不可得乃相率建生祠於  
府城東隅勒石以紀其德焉公家素饒及公入官廉潔自守在  
官食用歲取給於家以故家道轉落解組之後餽粥或至不繼  
公澹如也優游故里又十餘年而歿公生於正統壬戌正月初  
四日卒於正德庚午正月三十日享年六十有九元配蔡宜人  
生於正統甲子十一月初一日卒於正德丙子十一月二十日

享年七十有三其子符篆卜於今年十月十六日合葬公與宜人之柩於郁家園之新阡丐予表其墓予與馬氏世有姻好爰不敢辭正德己卯秋八月翰林院侍讀學士吏部右侍郎澱山

徐縉撰

大父雲崖禮四府君行實

府君諱慎字公謹別號雲崖系出後周平南將軍抗六傳至宋國珍公公生處和因弟松年公無嗣以和爲繼松年公因馬城地僻人稠於宋紹定元年遷居洞山之陽和生瓊瓊生文虎虎生惟德德生麟麟生縉縉生府君君貌像方巖正氣凜凜人莫敢干以私居鄉不吐剛茹柔雅重門閤不苟慕一時富貴子女嫁娶必名族家雖貧惟恪守先業力耕節用未嘗折節山中多業買公獨雅好儒術教吾父竟以易游吳庠爲一時名士賓興



入太學焉逮寵弟褒相繼補邑庠實公之遺澤也公素友吳郡  
侍御杜公啟爲公作誌傳失於回祿典籍灰燼寵中夜疚心姑  
述所聞大畧以貽我子若孫在禮臨文不諱故不避嫌罪府君  
碩德懿行實多緣寵出也晚不獲奉侍膝下失傳爲恨云

嘉靖改元

孫寵述

大父忠憲公

貢士薇庭公墓碣銘

公諱鯤字峇化別號薇庭裔出平南靜逸祖緇父慎世德相沿  
爲山中鉅姓君生穎異垂髫時卓有成人度始弁補吳庠臺使  
者校藝嘖嘖稱賞必寘優列陞爲內舍一時士望多歸之父蚤  
世事母兄克盡孝敬持身謹飭雖言動之微必循矩度物情不  
平者咸取直焉課二子嚴而有方子亦克履庭訓不由師傅而  
底成立乃屏居林屋山中治圃數畝構庭築池寰樹花木日與  
知友觴咏其間間一應修誌之聘門外事不問也君殆知命者

耶奈享年不永生於成化己亥卒於嘉靖壬寅冬春秋甲子有  
四惜哉配徐氏子二長寵廩生次褒邑庠生女三長適孝廉陸  
緇次適鄉貢進士蔣球玉季適陸絃孫男七女五惟君懋德宿  
學宜佐時著績淹沒林下不無遺憾焉嘉靖丙午孤寵等將卜  
葬於小龍山謁余題石以誌不朽余少與君同筆硯烏容辭謹  
表而銘之

銘曰宇瞻彼嵯峨 包山之陽 篤生府君 爰發其祥

貢士今既有文 俊聲則馳 既奮而路 厚積易施



遵彼林麓 焉尙厥事 紫嶂清流 迺盤迺憩

亦克有政 惟家之修 萬化伊始 亦復何求

以培則深 用昌厥後 吁嗟薇兮 歿而愈茂

嘉靖改元歲次丙午

賜進士刑部郎中知寶慶府桃谷陸俸謨

四六族祖椒山公述畧

濂四公諱正字子元別號椒山係出平南靜逸之後靜逸公因弟竹溪公無出以長子處和爲嗣於紹定元年遷居洞山之陽凡七傳而至公祖潤五公璿號默菴由鄉貢歷仕大同二守配蔡宜人南雄郡守諱蒙女也父曰清二公符號守默興化府庠生母曰勞孺人孝豐令鹿泉公女公生而穎異髫年就外傳授書一目數行下稍長屬文信腕出不襲常蹊篝燈苦讀恒至丙夜不寐十四入郡庠其試藝率已挫其鄉先生方公院試歸過

胥口有張翁者號知人一見公大竒之卽以其女字公而公亦自負功名可契戾取顧落落諸生中望鄉書一姓字幾難於跨九霄久之始有以國士遇公而拔最試地者雖僅得食餼於學宮而譽由此剡起然公不特以文名而又好行其德於鄉里里人無不沐公之恩受公之賜者邑令富公慕公名行過山中必式閭焉公衣褐衣窄袖而長裾濶步趨令下與爲禮公無所不敢當長揖就坐甚而探幽抉竒賦詩飲酒非公不歡也故事郡邑大夫入山山之民不問老幼貧富役之使執爨而前驅青衣



而行酒意旨所至匍匐趨命莫敢仰視顧公以寒峻之士頡頏  
酬酢於邦君大夫而邦君大夫所以禮公又如彼其降威慚作  
而羨艷之歸而悉督其子弟以致力於詩書今山中且彬彬禮  
樂矣謂非公所興起歟嗚呼公能摩挲三寸管挾青錢白鳳之  
篇稱儒林祭酒而不能附公車少年之席并不能與東家老書  
生束書以嬉需次明經翩翩墨綬者齒吁亦可哀也已公性至  
孝父母見背終身作孺子慕其登廟展墓悽愴怵惕之懷遠達  
高曾庭中海紅一株寶惜之至晚年謝絕人事抱一編徜徉吟

弄於其下常語其子孫曰此余祖母蔡宜人所手植者也當南  
雄公罷郡歸攜其囊以授宜人宜人悉以讓其姊而獨受此以  
植於堂之左右曰金玉易盡也吾父母年邁又不克時依膝下  
吾將藉此以寄思於永永乎宜人托此以寄思慕於南雄余托  
此以寄思慕於宜人余子孫之將有以寄思慕於其祖宗者不  
在斯乎斯言也可以知公之孝有一日而不能忘其祖父若母  
者矣公壽八十有四歲子二良遇良選俱倜儻竒俠每逢良晨  
佳節群賢聚飲堂中翠蔭扶疎根盤蒼古春明花發紅色映人

於堂之左者二百年不改其色咸以爲先人孝思所感云

族孫世隆敬述



甲族曾祖鄒嶧公傳畧重愈之學淵源之茂皆嘉靖萬歷中貢生父諱之良業儒公承累世縹緲之後耳  
族曾祖鄒嶧公諱世隆字樂然鄒嶧其別號也曾祖諱鯤祖諱  
寵皆嘉靖萬歷中貢生父諱之良業儒公承累世縹緲之後耳  
濡目染蚤歲已嶄然見頭角後值世變遂絕意進取教授鄉里  
以終其身初吾宗平南將軍之遷包山也居馬城里五傳至處  
士公之弟竹溪公奉父桂巖公命以馬城地僻人稠於宋紹定  
元年遷居洞山之陽族始日以繁衍而爲前堡錢墳疇里等支  
其僑居成族者不可勝數而馬城里祇留長房守勝三公卽桂

巖公并處士公墳墓厥後馬城支日益衰替或將墓地私售或  
豪滑竊佔向時墓地額百畝至公時僅存什之二三而吾洞山  
支亦寢以懈怠至以勝三公爲提領之墓祔祭於七賢山而馬  
城里之祖墓湮沒者幾百年至公始發憤搜剔售者贖之佔者  
復之碣石沉之水者泅得之然後訪之馬城故老與族之賢豪  
相與立墓石清界址而洞山前堡始春秋展墓焉嗚呼尋流溯  
源厥功偉矣又吾宗譜自景陽公倡修於明成化丙申至崇禎  
甲戌凡一百五十九年公重修之尋隆緒之茫茫遠稽近覈纖

悉無遺斯亦勤矣公歿後譜凡二刻未爲公立耑傳恐日久而  
公之遺跡盡湮今謨從事纂修之後聊述舊聞一二以識公之  
概亦如公之表椒山公云

訃亭子贊曰予距公生已百餘年遺言逸行詎能悉傳瞻公遺  
真彷彿平生面短口吳色墨而矐眼角低俯神清氣舒意其爲  
人必莊栗刻峭凜乎不可犯者夫

乾隆四十年歲次乙未孟秋于孟蘭會前三日族曾姪孫尙謨訃

亭氏謨



清故薇菴處士馬公墓表

馬公者諱時逢字子吉號薇菴吳之洞庭西山人也先世漢伏波之裔至後周有平南將軍諱抗者陳橋兵變隱居不仕遂卜居西山焉至公已閱十七世矣公七歲失恃十齡喪父時遭亂離兵燹之餘家道中落零丁孤苦險阻備嘗而公立志卓然純孝性成紛華靡麗不以動於中富貴利達不足撓其慮其處已也純雅而嚴整其與人也必誠而必信以故鄉之人敬其德無敢犯者卽犯之亦不與較其謙和大度又如此讀書而外雅嗜

奕碁日與高僧聞人終日手談絕無倦容熙熙然作羲皇上人  
若公者豈當於今人中求之乎無如實命不猶玉樓蚤赴不得  
享遐齡而獲大耋深可慨也公之祖敬林公以來兩世單傳獨  
至於公子孫林立非有公之積善於前何能使餘慶之及其後  
乎余生也晚未及親炙公之懿行而與公仲子德彰交最久稱  
述之者甚悉公生四子皆倜儻不凡德彰尤英竒卓犖克繼先  
志跋涉江湖積三十年始自成立嘗念先人蚤世抱終天之恨  
竭心盡力謀窳窳之安閱數年而始得吉壤傾貲以買經營盡

善規模宏敞癸巳之冬將卜葬公并營母張氏壽穴焉余久仰公之素行有合於古人而尤重德彰之永言孝思也因述數言以表其墓云

康熙丁酉季冬

賜進士及第翰林院編修加二級充萬姓統譜纂修官表姪繆日藻拜撰





伯高馬公傳當世各雖無讓今歸公之祖爲難未始有

西洞庭前堡里有逸民曰馬公伯高諱凌凡先世爲漢伏波將

軍援援二十四世孫曰抗仕後周封平南將軍因陳橋兵變棄

官隱吳之包山遂爲吳人平南三傳有曰念一公念二公者各

居一里遂析爲兩支念一曰洞山支念二曰前堡支相距不一

里耕讀以世其家六世祖曰昂四公以居竒致不資好行其德

於鄉族遂大祖曰仍梧父曰安林似續其家公承累世封植之

餘修其業而息之雖不甚饒裕而四方賢雋猶望爲依歸公躡

履迎門不稍倦又以其暇日蒔花種竹延名人勝流嘯咏無虛  
日馬氏舊與梁谿馬文肅公世竒合譜陵谷變遷後音耗不通  
康熙丁卯公與族人商訂與錫山文學公眉重爲合刻以燦與  
公有潘楊之睦委作弁首予雖不文曾序其世好於簡端今公  
歿十年其長君欽遴踵門請曰維子與先公再世姻婭且知先  
君深用乞大文以誌不朽予嘗讀崑山顧仲瑛傳言其爲人輕  
財結客豪宕自喜築別業於茜涇與客賦詩其中餼館聲伎甲  
於一時卒能聲稱當世名垂無窮今觀公之所爲雖未能彷彿

其一二然亦賢矣視今之擁高貲席勢厚日於阿堵中作生活者不亦天淵哉爲序其事而歸之并詔公之子孫俾傳述勿替

云 皆

康熙三十六年歲次丁丑華亭文學蔣粲蓼亭氏頓首拜撰



大父良臣公述畧

嗚呼大父歿已六十二年矣公卒於康熙甲午四月十四日

不

肖謨

生于甲午三月二十一日距公歿纔二十四日耳公之懿

行詎能一二悉然猶得侍先大母與先嚴慈并悉之族人故得  
述其大畧云按公諱永忠字良臣高祖思溪公之孫曾祖元齡  
公之仲子也公年十二而孤與伯祖德瞻公同治生產昆季婚  
娶甫畢而德瞻公卒伯祖母時方娠號泣不欲生公囑先大母  
慰之曰毋太苦姆方有身生男則伯有嗣爲不死也伯祖母稍

慰後舉子卽爲

謨

從伯父公行公公撫育如已出歲大稜拮据

卒屠備極勞苦卒爲姪受室生子始析宅焉迨後家益落然好

延明師爲

謨

先嚴輩讀書往時文酒之會猶仍勝朝陋習師或

與賓朋燕集則主人具盤飧公偶窘則典質不惜族中有佳子

弟則勗之勤課讀至今族人恒述之性伉爽負氣節肯直言羞

爲媚人取容以故家益貧譽望益高鄉里事有不可解者咸來

取直焉娶先大母王孺人圻村著姓相我祖考淑慎其儀荼苦

其操後大父二十二年卒維時先府君能治生家稍裕大母傷

少時寒窶今頗足衣食恒量力之所能及以衣食道路饑寒之

人孳孳不倦今

不肖孫謨

輩之不隕厥緒人每稱王太君積德

之報與先大父貽謀之善焉時乾隆四十年首秋望後八日不

肖孫男尚謨百拜謹述

此訐亭業師自述其祖父母行畧載之家乘者也 士俊 生也

晚不獲覩聞公之行誼然讀師之文語質而辭簡其事實皆里人之所習聞非如世之稱祖德而言過其實者比夫數典而忘其祖固不得爲賢孝然稱先以欺其世亦豈得爲篤行



君子哉傳曰善人者有後公之子公睿公雖以廢著起家而師爲公之冢孫以吳庠弟子員染翰操觚馳騁藝苑卓然有名當時非公之遺澤曷克臻此歟公元配王太君與後外祖母兄弟也弱齡時尚及見之其慈淑之貌猶能彷彿一二茲曾讀師之傳畧特僭題數言於後且爲師填諱云

之碑與於大父韻精後學林屋張士俊頓首百拜謹跋八日

人筆筆不掛令

不肖齋對

輩之不聞風俗人每稱王太君

少與寒寔今融吳亦食可量次之河誰又以太食豈不難矣

族祖行三公述畧

族祖行三公諱孫達前堡昂四公諱裕後也祖啟南父煥文煥  
文公未四十而卒公無叔伯兄弟熒熒一身力田傭作以奉寡  
母賦性和易與物無競居鄉里恒異言婉辭以誘掖獎勸人不  
爲矯激已甚之行遇他里有公舉來里中公欵洽晉接量力而  
酬之不肯作窶人寒乞相以故家雖貧遠近推爲鄉祭酒云年  
六十二壽終子六大道大德大儒大邦大謨大猷道德俱早卒  
其四子皆克自立惟大儒以作力鬪志家遂以饒旣乃好行其

德於鄉凡建宗祠輯宗譜修橋梁甃道路無不襄助以成厥美  
易曰積善之家必有利慶記曰善則稱親今大儒之既富方穀  
何莫非行三公之積德累仁有以致之哉

謨

因之有感矣昔昂

四公之興也蓋當明宣德正統間中鹽於淮富致不貲當是時  
前堡里中甲第連雲巷陌填咽珍貨山積交通豪貴其烜赫之  
槩擬於王侯故老相傳九井十三巷基址儼存三百年來鞠爲  
茂草值今公前堡里中甲第連雲巷陌填咽珍貨山積交通豪貴其烜赫之  
聖朝重熙累洽休養生息大儒叔始能振起其間然猶未及昂



四公之一二維望大儒叔益邁種厥德鐘祥降福日升月恒以  
復昂四公之舊謨庶滿願焉茲因述公行畧先之以頌而繼之  
以規云

乾隆四十年歲在旃蒙協洽首秋族姪孫尙謨訂亭甫撰

交馬君昆陽生壙誌  
晉千濟  
洞庭之山具區滙焉溪壑滌紆岡巒起伏至於林屋蕭山之間  
山環水合結成邨落居民率多馬姓以耕讀世其家氣習渾噩  
無夸毗囂浮之態而其中有號昆陽君者尤推爲鉅人長德往  
時予授經君之冢嗣名驄與之交最久熟悉其爲人蓋盛德君  
子也今年秋因其繼配王孺人之喪規墓兆於七賢山之陽竈  
一壙而中分之旣以歲之十一月甲辰葬王孺人之柩於右而  
左則營已生壙命予誌其巔末予雅重君行誼爰不敢辭君名

敦義字德彰號昆陽姓馬氏漢新息侯援之後先世居茂陵至後周有平南將軍諱抗者始遷洞庭之馬城里宋靜逸處士國珍復自馬城遷林屋曾祖諱成性祖諱存廉考諱時逢妣張太孺人君自幼超曠不羈年十七失怙伯兄敦仁孺不勝事兩弟皆幼家道中落君恐貽老母尸糞憂不得已棄儒習賈沂江至楚湘稽時廢著閱數年囊篋稍裕慨然曰足以供子職矣卽歸而將母存事歿葬皆一身措拄毫不以諉諸昆弟處昆弟間愛敬交摯白首無間言教督子孫動輒繩以禮法招致塾師必擇



名宿以故君之諸子皆學識淹雅爲時輩所器重云君生平自奉儉約持家樸素無世俗奢靡之習及其緩急嫻族助鄉黨之義舉則輕財好施雖傾橐不少靳康熙庚子族衆編輯宗譜君殫力校讐旣竣族衆卽議置買祠基君復欣然捐貲爲倡迨族人醵金旣集公復爲權其子母持籌握算迄今數年毫無怠意他如藥病者棺殮者泉粟其憚獨者甃其道路之淤者多類此不可勝記記其大者林屋之北有溪焉當南北往來通道舊無石梁洎君母張太孺人八袞悅辰人或勸君設讌徵詩君曰奚

足以壽吾母壽吾母要當爲母勒不朽名耳廼鳩工采石築梁  
於是溪之上顏曰眉壽梁旣成往來者咸頌母德不置君畢生  
不好華而務實蓋如此元配曹孺人早卒葬小蕭山另有碑誌  
繼配王孺人卽今纍然在壙者也以康熙壬子八月甲申生康  
熙壬寅六月庚午卒再繼張孺人今尙存子三驄國學生駿王  
出騏張出嘗攷生壙之制古禮雖無明文然周禮冢人職曰掌  
公墓之地辨其兆域而爲之圖以昭穆爲左右大夫職曰掌凡  
邦墓之地令國民族葬正其位掌其度數使皆有私地域夫民

未有死喪之先先王已設官分職爲之正位辨域使皆有私地  
域若是則生而爲壙禮雖未之有可以義起者矣况君乘葬其  
繼配之便而爲已營壙以從周人合葬之制一舉兩得誰得以  
戾古非之抑又有說焉人情莫不樂生而畏死洎乎衰老去死  
愈近畏之愈甚雖年臻大耄而絞衾裨槨以及墓兆之類皆諱  
忌而不敢爲故陶靖節自製輓歌千古服其曠達今觀君之所  
爲其曠達亦何減于靖節哉嗚呼斯真無愧所居之名勝也已  
雍正元年冬十一月吳郡文學范晉拜誌



包山樂庵馬公暨元配仇孺人墓誌銘

包山馬氏系出後周平南將軍抗因陳橋兵變棄官隱山中子孫遂家焉六傳至宋徵士國珍徵有道不就璽書賜號靜逸處士詳邑誌中厥後族益繁衍予授徒靈巖時有名珩字中美者善丹青好從賢士大夫遊與予交最久因得悉其世次里居暨其族之耆成長德今年夏珩族姪邑庠生尙謨持厥考妣狀來請銘君卽所悉耆成長德之一也爰不敢辭按狀君諱士智字公睿號樂庵父良臣公母王太君生子六君爲長家貧棄儒習

賈孝於親友於諸弟季弟公清爲王太君所鐘愛君亦絕憐之  
將娶而卒太君哭之慟時君在楚聞訃亦哭之成心疾每一舉  
發則撫其膺曰我哭弟遂成此疾也與五弟公表白首同居內  
外無間言嘗舉祖父兩喪經營高敞地躬親畚插封表完固望  
之鬱蔥然人咸謂君孝思所感云君雖少貧困後稍給親族稱  
貸者無弗與或負之則曰得喪皆命非人欲負我也聞者服其  
長厚生平表裏洞達性不嗜酒而好直言故徃徃與人忤久之  
人亦必歸直焉居恒悼已不能顯揚其親督長子尙謨博習親

師以故謨學行卓然爲吾吳名諸生云公配仇儒人山之仇巷里人年十三母歿撫弟妹如母及歸君柔正勤儉動合壺法舅老病痛得孺人所調羹乃下咽姑王太君倚之如左右手在妯娌中終身無詬誶聲嚴御子女和接戚屬勤身節用以佐家計俾君得饒於財爲孝子爲友兄昭義聲於比閭族黨孺人與有助焉蓋予聞之於玗覈之於狀者畧如此君生於康熙己未十一月朔六日酉時卒於乾隆戊辰十一月十五日未時享年七十孺人生於康熙辛未十月廿六日子時卒於乾隆戊辰二月



廿六日卯時享年五十八子四尚謨邑庠生尚祥尚貢尚賢女  
一適羅孫九學周學彭學燧學伸學武學鸞謨出彭嗣祥後學  
季學齊貢出學良賢出曾孫四大椿周出大桂彭出大松燧出  
大梅季出

銘曰良惟君質直挺然天賦範身踐倫道得路

孺人從之漢有儷無忤正以型其家以篤其祐

乾隆己丑歲月中大呂十有三日正官封土

封土伊何馬村南塢山鬱水滌閔此幽戶

賜進士及第

誥授光祿大夫兵部尙書芝庭彭啟豐撰

賜進士出身 知奉賢縣事長沙劉暉澤書丹

乾隆三十四年歲在屠維赤奮若嘉平月

立碣

三孝子傳

三孝子者洞庭馬中美珩叔美琪季美全也七世祖曰默庵公由明經進士歷仕大同府同知六世祖守默歲貢生五世四世祖皆邑廩生父芸莊母蔣氏芸莊承默庵公世德之後一經自守教授鄉間田無二頃屋鮮一椽撫育四子一女皆取給於硯田當芸莊生時三人已能自立年未冠皆抗顏爲人師得束修供甘旨無闕芸莊臨歿手書遺命格言有尊祖考事母叔守身交友數條三人奉爲箴蔡終身守勿替三人爲童子師各居一



村遠近或數里分日供母當期則俟課生徒畢恒以宵時攜翼  
日所供具至家爲母調劑已夜分就館率以爲常珩初娶婦事  
姑稍不謹琪與全責兄曰人家娶新婦何事珩曰亦惟事舅姑  
耳琪全曰如嫂則直懣死姑耳何事爲珩俯首泣謝曰若然則  
二弟何以教我琪全曰惟有令嫂另居耳珩曰唯唯惟命卽日  
移室他所三人仍分日治供如初時值秋杪珩問母曰母嗜蟹  
否母曰車螯古人所重歲產僅三旬第太湖鮮產遠物難致耳  
珩聞命卽雇舟鬻於郡城至則行酒持螯侍母側母齒脫珩剔

肉以進終食如奉大賓焉母好潔三人澣濯惟謹全則恒爲母  
滌溺器云

舊史氏曰洞庭馬中美與予交最久予曾爲題伊祖父像贊并  
手書遺命德言中美歿其族子文學訐亭謨將輯其家秉持其  
昆季行實丐余作三孝子傳載之譜牒夫余僅交中美未識所  
謂琪與全也雖然古云不知其人視其友今中美恂恂循循髣  
髴古道學人氣象則琪與全宜可信抑又說焉昔伊川先生多  
行古禮當時多厭薄之至目爲假道學今中美兄弟孝行果純

篤否俗或目爲假道學否俱未可知而要之族子之請其情摯  
倘所謂人不間於其父母昆弟之言者耶余旣悉中美且重族  
子之請故爲之作傳如此云

乾隆三十年歲次乙酉仲冬陶村許集謨

余對交中美未始

手書命辭言中美效其熱于文學信守斯操得其家乘待其  
前矣夫曰陶或誤中美與于交是入于曾爲賊母其父所贊其  
其也云云



國學庭山馬公傳

庭山馬君諱驄字載青庭山其號也祖諱時逢父諱敦義別字  
昆陽母王氏君生而材質英特穎悟過人昆陽公爲延明師盛  
脩脯嚴課讀一切奇羸鄙事不以溷君旣而送入太學將觀光  
於北都俄值仲弟駿天歿昆陽公故倦遊而以家事屬君於是  
舉業遂廢山中多商於楚君亦叩其囊底小智以持籌挾筴不  
數年家業更隆隆然起昆陽八十考終臨歿遺言謂吾族未建  
宗祠爲我一生未了事汝其繼之君於是日夜籌度與族人公

表永齡謙六訐亭諸公相與捐橐金權子母至乾隆二十二年  
丁丑夏五月始相度基址庀材鳩工寸木尺石皆當其用盛夏  
督役烈日中不言勞至十二月宗祠落成而君病歿矣年才五  
十七歲嗚呼傷哉往時吾山文風大替秀者習賈頑者務稼穡  
君父昆陽欲矯其敝故課其子甚嚴居恒毋許出外戶以故君  
弱冠里人罕識其面字摹蘭亭蒼勁秀整惜以習賈自廢君又  
常言吾宗祠工竣則將鳩宗人修宗譜惜天不假之年今君令  
嗣世堂克承父志與族人訐亭業師武安諸君考核宗支重登

九  
梨棗丐余作傳君祖母余族祖姑也於媼姪爲中表知君特詳  
爲傳其事如左其生卒嗣配詳譜牒中茲不贅云

乾隆四十年歲次乙未首秋江南甲午科舉人候選內閣中書  
同里表弟張士俊頓首拜撰



節婦屠孺人傳

節婦姓屠氏吾山金鐸里人幼讀書知大義長適前堡馬允揚萬歷四十八年十月十四日允揚卒婦時年二十有四方有娠恐傷腹中兒不敢出聲哭閱百餘日子凌志生始哭踊如禮家故貧而舅中駿姑蔣氏俱老且病不誰何家事婦日攻針黹以支朝夕有餘卽市甘脆進之舅姑已則鶉衣蔬糲晏如也舅姑因喪子故時時喜怒失常婦能承顏伺旨曲慰其意已二老人相繼歿拮据殯葬竭情盡慎道路觀者咸嘖嘖稱賢有爲之泣

者撫凌志慈不妨教凌志年七歲貧不能延師廼手書四子書  
口自授之稍長卽命習計然術俾有所糊口晚歲蓋及見凌志  
成立而後歿婦生於萬歷二十五年八月十六日亥時卒于崇  
禎十七年九月初六日未時得年祇四十有八而嫠居二十五  
年子凌志貧不能請旌僅送入石公山節烈祠云

讚曰潘安仁寡婦賦曰省微身兮孤弱顧稚子兮未識如涉川  
兮無梁若凌虛兮失翼傷哉斯言四窮民皆可矜而寡爲尤甚  
雖富貴猶難言之况復朝不謀夕乎非具堅忍之操則遥遥數

十年間縱不爲情慾所誘且將爲饑寒所奪正難矯強於旦夕  
之際而倖以成名者也嗚呼若屠節婦者可謂女中之傑也已  
康熙二十年秋七月消夏灣秦嘉詮拜撰



徐節婦傳

節婦姓徐氏唐灣徐仲冷之女而洞山里馬敬葵長子有卿妻也敬葵晚而舉子節婦年二十來歸已不逮事姑翁老夫壻孱弱婦能操家政翁安之不三年有卿歿婦悲啼不止翁數數聞之謂婦曰新婦今無哭哭則我心痛故教汝勿哭也婦慨然答曰婦明知哭死無益今阿翁老家無次丁毋論家事卽宗祀何托翁默然蓋當是時敬葵年六十餘喪子心緒亂無意續娶節婦乃謀之族黨姻婭勸翁娶又潛覘婦之宜子者得洪氏而姑

之已生子夏卿節婦保抱顧復勝於姑稍長翁命夏卿以伯母呼節婦婦怒然不敢當未弱冠卽爲叔娶婦一索得男曰聖基爲有卿後而翁已歿十餘年矣初節婦來嬪時翁家頗饒多園林家事繁劇及夫亡翁逝家事節婦一人任之家雖不中落而節婦總無一歡笑容迨叔娶婦生子聖基爲夫後夏卿復舉二子曰聖學聖林節婦又爲嗣子娶婦舉孫庭森玉樹戶茂芝蘭節婦始破顏謂叔與諸子姪曰是皆吾勸乃翁納姑之力也故今之繩繩相繼咸謂節婦之貽謀云

太史氏曰家之節婦卽國之忠臣傳曰可以托六尺之孤可以寄百里之命而繼之以臨大節而不可奪似才先而節次之今徐節婦二十而孀旣無子嗣終鮮伯叔何難一死慰泉下而卒能爲翁娶姑爲姑撫子迨至叔舉子而夫嗣不絕翁嗣再繁方之於國殆如程嬰杵臼之存孤范蠡文種之復越卓哉生死存亡之豪傑非僅以節著者也予爲諸生時授徒山中聖基從予遊後官京師歸聖基來謁予彬雅有度且述其嗣母節孝之槩請書其事於傳情篤而志專嗚呼是可想見節婦之能教矣旣



爲之傳并書姜操孟訓四字昇歸以壽其母其  
旌門之典尙有待焉康熙二十四年歲次乙丑  
賜進士出身

勅授承德郎右春坊右中允兼翰林院編修嚴繩孫撰

節母應邀卹典而不承公倦遊南楚久滯綸章雍正四年奉  
旨有窮鄉僻壤無力上聞許地方官彙詳題

旌建祠節母亦與其典祀入石公節烈祠云

族孫尙謨識

節母謝孺人傳

節母姓謝氏同里謝仲嘉公女年二十爲洞山馬宗虞公繼室性凝重貞慧宗虞爲後於勝卿公姑先喪節母事勝卿公孝敬備著康熙甲午秋八月宗虞公卒母時年三十有二遺孤二長顯嶽方九歲次顯嵩四歲宗虞公故貧士旣歿生計艱窘伯叔靡依惟節母父仲嘉公家頗小康然節母女紅自給朝夕飭粥皆纖纖從十指間出不肯乞假於父父或閔其苦偶稱貸之節母率如期畢償其廉介如此二子先後就塾母教督甚力夜自

塾歸一燈熒熒躬自刺繡課讀漏下三鼓乃寢以故二子後雖  
棄儒習賈而方正有士行皆節母之教使然也晚歲二子旣成  
立諸孫盈庭節母尙康健如故家雖不大饒益內外嚴肅悉遵  
節母規範至今洞庭人論家法之善者必首推節母家云節母  
生於康熙甲子九月丙戌卒於乾隆癸酉五月丁卯享年七十  
節母歿顯嶽顯嵩貧不能請

旌鄉人皆惋惜之其櫬與宗虞公合葬蕭山平頂之陽

讚曰自唐宋以來凡嫠婦之能守節撫孤者類皆旌表其廬所



以勵風俗敦教化也迨至我

朝重熙累洽文德誕敷教化日隆風俗日厚雖在深山窮谷桑  
戶蓬樞之婦亦皆懷貞抱節歷窮困而不移如謝節母亦其一  
也嗚呼可謂盛矣予故表而出之以俟後之採風者錄焉乾隆

四十年秋九月

賜進士出身翰林院庶吉士前內閣侍讀莫釐巖福頓首拜撰

節婦吳孺人傳

節婦吳氏者吳邨吳天祥之女前堡馬大受之妻也二十而嫁  
七年而寡尊章早逝遺孤文耀文明皆幼四壁空廬饑寒交迫  
數椽敝屋風雨旁侵婦誓心守節殫力撫孤梨花深掩平柴門  
足不踰闕金粉飄零於繡閣首似飛蓬卹縷寒宵凍坼織織之  
指縑絲夏日淚零軋軋之機壓錦線以年年半世自求口食製  
衣裳之楚楚畢生常代人忙姑封馬鬣之塋婦而攝子兒讀荻  
灰之字母且兼師飲藥不知其苦茹荼倍覺其甘卒俾珠顆玉

芽蛾子繩其祖武瑤環瑜珥鳳梧長厥孫枝家爾熾而爾昌晚  
享盈寧之福祀以似而以續終臻耄耄之年統生平之苦節驗  
素履之堅貞則八十五月之齊眉桂輪易缺而四十七年之寡  
鵠冰鑑同清德莫厚焉宜請

綸章於異日傷哉貧也未邀

旌典於當年爰陳梗概稍表徽音婦生于康熙十三年五月卒  
於乾隆十一年二月享年七十有三主奉祀石公節烈祠  
賜進士出身翰林院編修加三級吳門邱廷澐頓首拜撰



節婦蔡孺人傳十衣不毀烈烈表節卒歿哀哉

節婦姓蔡氏賜塢蔡上功之女也自幼明慎知禮年十七適洞山馬駿駿母王氏已前歿其父宜菴繼娶張氏婦事之以孝聞婦年二十而駿卒痛不欲生數日不食姑張謂曰汝若此奈汝子世培何婦矍然乃復強食初宜菴故吾山鉅室而上功家亦頗厚以故婦與先後宛若皆資奩華美家中每有讌會明璫靚飾照耀一堂婦既寡悉屏去弗御布衣荆笄深居閨內雖隣里罕覩其面教世培畫矩以導甫齷卽命就傅非大故弗聽出塾

世培化於其教束脩自好沆節婦歿鄉曲無一人訾訾之者婦以康熙丙戌正月甲戌生乾隆癸酉正月戊寅卒享年四十有八婦歿世培奉其主入石公山節烈祠銳欲籲於有司冀邀

旌典未果尋病終

讚曰古來言貞節者類以貧苦著聲婦獨不然生長富厚之地雖所天早喪而初年尊章足庇晚則子已克家矣所遭似非甚難然跡其嬰容去飾終身不復膏沐則苦節之貞雖貧女奚以加焉夫何懷貞早世子亦不延厥廬遲表潛德卒湮哀哉

告

乾隆四十年歲在旃蒙協洽南呂月既望後五日同里表姪沈  
鼎頓首拜撰





節婦仇孺人傳  
節婦仇孺人者予胞妹也自幼貞靜勤儉不妄言笑先考聖傳  
府君鍾愛之初予姑母適洞山馬公睿公生四子尚謨尚祥尚  
貢皆已娶婦而其季尚賢未婚姑母歲時歸寧見予妹賢淑遂  
爲尚賢聘焉妹年十九歸馬氏時公睿公暨予姑母俱前二年  
歿而尚賢已染羸疾合晝夕保姆扶掖交拜勉強成禮妹引命  
自慰絕無怨懟聲尚賢病三載妹日侍湯藥心力殫盡病卒不  
起孤學良纔三歲予妹年二十有三哀慟幾絕尚賢家道頗裕

而其兄嫂皆賢閔予妹孤苦相與經紀家計自服食器用以及  
嫻族慶弔諸費概不以累予妹妹亦惟命是聽纖息弗敢專擅  
處妯娌間辭逸就勞每遇勞役輒率先操作毫不推諉以故內  
外俱無間言妹生平不好艷粧華飾旣嫠居儉約益甚布衣蔬  
食處之晏如惟爲學良延師脩脯必極豐腆居久之學良已弱  
冠爲之娶婦徐氏三月廟見畢妹喜甚遍告諸伯叔與妯娌曰  
未亡人事畢矣今而後吾可瞑目泉下與學良父相見也維時  
諸伯叔妯娌怪其當歌而泣以爲不祥學良以乾隆庚寅十月

行親迎禮至次年辛卯三月十五日日晌午示微疾迨晚瞑目而逝距生於雍正己酉得年四十有四

論曰佛氏以了生脫死爲第一義諦然其要在割情絕慾而後死生之交來去自由無所罣礙吾妹豈有夙根歟何其了脫若斯也蓋飲食男女人之大欲存焉予妹結縈時卽遭夫疾彌留之際憂勞三載繼以大故則其一生未得伉儷之樂可知無伉儷之樂卽無情慾之累故回首之頃從容自在迥非人所能及

云



乾隆四十年歲在旃蒙協洽林鐘月愚兄縹緲仇邦偉拜撰

之樂鳴無骨怒之累對回首之貶郵容自空感非人况非人  
之類憂發三輝耀以大姑頃其一坐未辨於勤之樂何味無於  
機不盡於食畏文人之大裕亦焉子教部離部唱豈夫寒爾  
亟出之交來去自由無刊里勤吾教豈育風財澳阿其下無  
篇日勤天以下主無及為第一美前然其要五博制離怒而  
而張張主然棄五月百格半四十百四  
行賤張甄至火辛庚三氏十五日日即平示姪與命期期日

馬烈婦黃孺人傳

烈婦黃氏者林屋馬灌宜之繼室也灌宜少孤而貧母羅氏撫以長初娶臧氏早歿繼娶婦婦時年十八婉而介事姑相夫閱五載無間言乾隆乙酉冬灌宜疾百醫禱不効婦泣曰病如此將奈何灌宜以其無子而少也謾應之曰苦吾母耳汝何憂無噉飯處婦正色曰君慮我不能守耶則請與君俱死婦母家居兵場里距林屋僅三里許父黃某早卒母某氏聞婿病數數臨視十月丁未灌宜卒母來賙婦乘間與訣曰夫死兒不獨生今

承祧未定姑無尸喪主強作數日活耳兒在喪死必以衰經斂  
又兒夫素苦貧兒手織一縑存笥中爲易楮幣資兒夫婦用母  
愕然曰若曷爲死若姑待訖其齒於若若雖貧若夫之從兄弟  
賢必憐而賙若若曷爲死對曰兒非畏貧而死兒昔與夫有言  
矣不死不足以釋其慮至於姑則兒叔伯之賢母所知也他日  
斷不餒我姑耳雖然姑愛兒甚此言慎勿使姑知也母默默相  
對飲泣而去已灌宜從弟健菴力任送往事居責命其次子學  
禮嗣灌宜後給財用卜兆域將以十一月壬辰葬於七賢山之



原婦慨然曰可矣先葬期五日戊子給姑他出遂麻衰繆經闔  
扉經而死距灌宜卒之日蓋四十有二日焉比斂顏色如生其  
母聞訃持冥鏹至偕其嫁衣裳焚於庭一時激烈之聲聞於山  
中其好義之士無問族黨姻戚翼日皆持生芻來奠嘖嘖稱嘆  
至有揮淚涕泣而去者

贊曰死非難處死爲難烈婦激夫一言捐軀自暴誠慷慨矣然  
而上爲姑謀下念似續綿延至數十日徐待事定然後引決又  
何從容也嗚呼吾知之矣當其灌宜初死嗣子未立設使宗支

引嫌而莫嗣叔伯袖手以旁觀持家無人姑何所恃此則人事  
之或然者也然則節婦之恐死須臾以俟者蓋有慮於斯乎灌  
宜諱尙瓚與予居同里閨而予族姑適黃氏烈婦又其姪女也  
以故知其事特詳云 時

乾隆四十年歲次乙未孟冬望後三日林屋張士俊拜撰

世間情事與強生弱其終必與焚林風一報無然之望聞外山  
輒歸而取取斷宜卒之日蓋四十有二自無出意簡色成生其  
氣壯壯然曰有矣夫其類五日九千餘故出遊神哀難難聞

馬烈母黃孺人徵詩啟

蓋聞兩儀缺陷爰徵填海之寃七政陰霾方顯磨笄之烈洒湘  
江之血竹染貞痕裁團扇之詩梁懸義骨良由淒涼鵠寡心悲  
菱鏡之分遂乃慷慨雉經香滿皮金之字嗟惟女節實植綱常  
凡我同人宜深揚扈若 馬烈婦黃孺人者乃灌宜馬君之繼  
室也江夏名姬扶風令婦松筠作骨稟深閨正氣而生冰雪爲  
神具中饋完人之品蓋自委禽之後以及化石之前蘋藻修嚴  
常合國風之訓衿纓定省無愆內則之儀泉繞屋以爭流鯉魚



日躍竹依簷而競秀孝笋冬生侍奉姑嫜旣殫其孝贊襄夫子  
復極其和肅肅珩璜見鹿車之共挽垂垂荆布瞻鴻案之相莊  
洎乎君游雲夢儂住金庭寄織錦于天邊結眉表色望藁砧於  
山上破粉成痕時淮乙酉之春三湘乍返何意龍蛇之歲二豎  
旋來晉景公病入膏肓秦醫束手齊桓侯疾深骨髓扁鵲驚心  
烈母則鞠躬盡瘁殫力維持藥搗元霜勞並蟾宮之玉兔齋供  
繡佛誠祈鷲嶺之金仙然而月鑑難圓桂輪易仄連理枝摧比  
翼鳥難望齊飛孤眠人起合歡牀空悲獨活天平已酷人也何

辜烈母於此仰瞻堂上有雞皮鶴髮之姑俯視庭前無珠顆  
玉芽之子念宗祀之將斬稍延旦夕俟螟蛉之可負姑緩須臾  
迨至紫荆樹畔乞來千里龍文花萼樓中迎養七旬壽母遂覺  
心無遺憾於焉義不偷生縞袂趨風凜若萬夫之特紅顏致命  
雄于一劍之師倣荀女之投繯絳綃七尺追蕭郎而同穴黃土  
一坏玉貌如生尙帶盈盈珠淚麻衣似雪堪標皎皎冰心是誠  
巾幗柔姿豎立兩間婦道婉變弱質扶持萬古人倫矣用敢授  
意青鏤命詞彤管備陳闔內徽音播告當塗

碩彥望以名教爲心共切表章之念鏤月裁雲咸構珠璣之句  
雕龍賦鳳爭投錦繡之章庶幾表女宗於百世奉爲螭首儀型  
發潛德於九原常作蛾眉模範

仝人公啟



洞庭形勢論

洞庭西山鼎峙湖心山水秀麗四時花菓居民淳樸間出名士不俗不野今古名碩遊歷其境者咸稱天下第一鄉也其脉自天目奔騰發行卞山入湖融結洞庭起峯曰縹緲縹緲分脉於西盡於支頭嶺小龍山又分支於北盡於角里山又分支於東北自天王嶺盡於東村貝錦峯又分支於南由羅漢嶺盡於明灣石公山又由毛公嶺分支於攢雲嶺盡於鼇山其洞庭山形如蓋翹人民居簡翼中諸水俱入太湖無停頓含蓄之地故人

民離鄉而發者多陽居惟消夏灣爲第一背縹緲面太湖明灣  
石公小龍山爲左右護禹祁爲印案故居居民富多而秀次角里  
有角菴山爲外衛居民鱗比其中左右水入迺騎龍脉力量頗  
大但嫌諸山飛走無情次鎮下由毛公嶺瀉脉走下三砂平舖  
陽局林屋夾耳乃是散中之聚多福之處惜乎北關之漏明灣  
脉從滙上左臂過脉逆水盡結形如蓮苞場塢南灣如蓮瓣民  
雖業賈而多饒於財石公一帶除王氏所居其餘俱不耐久所  
村亦騎龍之善地南北崦有龜鼉二山爲左右臂二姑山爲印

案莫釐峯爲外屏堂內田百頃水繞三匝其形不減於消夏也然主山孤陋鋪陽淺逼發煤洩氣塔飛地沉左右損傷故富貴者不能久後堡由攢雲嶺夫椒山二龍瀉脉鋪陽頗厚諸水會頓田疇寬廣民居可衆而久然受夾墩白塔堰之漏射涵村邱壑深邃二水夾脉鋪陽亦寬山林利多可居之處堂灣有蛇頭山爲外關水月塢之秀四面包裹悠久少貧但嫌外山界水之隘而主山不端東園山形如蟹八砂衛護有情出入淳厚者多可謂仁里可惜兩鰲偏而不舒發福不大金鐸澗水中抽陽基



無善不若勞家橋下砂緊護可容數家龍山可稱盡龍來去水  
會然龍身剝碎有骨無肉童而且頑後埠新村四顧無陋水入  
有情可謂小聚洞山下山名小蕭雖小而嫩鋪陽亦不薄然下  
砂全闕山形如覆月人傍背而居港水右繞而無情故富者少  
而骨肉相殘者多前堡亦爲盡脉惜水不入懷而反洮姑山採  
低而肩寒其餘小村落易興易衰者不足評也吾始祖平南府  
君隱洞庭止居馬城里其地散而不聚豈久遠發福之處耶不  
久子孫皆散徙四方矣此不諳地脉之故耳爲子孫擇居里仁

其於陰陽風水砂土厚薄之理亦宜慎哉

崇禎乙亥小春 林屋山人世隆識

錄七十二峯足徵集選詩馬氏合編詩四首名氏三人

馬雲程

字昂霄西山洞山里人張士誠據吳時招之不出作詩見志

述懷示友

彈指無人會此心且隨麋鹿卧長林淵明籬下青山老茂叔窓前碧草深半榻清風閒註易一樽濁酒夜橫琴悠然自可忘身世何用徵書特地臨

馬箠 字仲和

遊上真宮

廣福舊琳宮幽深一徑通  
砌鋪芳草綠水泛落花紅  
露濕棲松

鶴天垂飲澗虹鍊師能愛客  
陪坐說叅同

題祥符寺

遙憶少年日禪宮着屐遊  
夫椒山外境笠澤水邊樓  
梅雨一旬

暝松風五月秋何能訪僧去  
重泛北湖舟

馬春 字景陽



舟次漢陽輓南平趙輔之  
楚水湘雲滯客程  
旅懷於此重傷情  
文星入夜光何在  
華月逢秋色自明白  
鶴幾時歸北海  
青山何處是南平  
臨風不盡追思意  
愁倚孤篷到五更

予宗前輩不無詩編文字流傳人世而譜集寥寥不載良由吾族寒畯居多既不能刊播廣傳又不屑噉名以求名公採擇選載所以數百年來傳聞寂寂也茲從足徵集中錄得名氏三人詩四首以見吾宗文獻一徵

長庚公像贊人荷四首以長晉宗文燭一燈  
方袍角巾先民遺容名潛身晦道腴中充高山流水寄情絲桐  
疑據梧之惠子匪獻策之文中殆徜徉乎嶮岬之林屋逍遙乎  
縹緲之竒峯洵種瓜食蕨共推遺老而談經講藝同申培袁固  
之儒宗也歟匪五更

芝庭彭啟豐題  
平潮風不盡  
雲水芸莊公像贊  
文星入夜  
冰解化機常

南陔補罷樂融融三禮箋疏馬鄭風悟得花開與冰解化機常

在不言中

彭啟豐題

芸莊公遺命德言四則

文長不及備刻今撮其大旨并跋文於後

一敬祖 一事母 一友愛 一守身

芝庭彭啟豐先生跋

此 芸莊先生臨歿時訓其子者也自尊祖敬宗以及親正人寶遺書皆務本切近而終身可行者擴而大之可為國家有用之人即循而守之亦不失為謹身寡過之士與顏氏家訓有後



先一轍者矣今中美昆弟克紹德言生平無越規矩之事視世  
之華言縛行者如水火黑白之不相入焉 芸莊於是乎有子  
也夫夫挈甌之智不失守器古人猶以爲難况謹守先人之遺  
訓者耶予重 芸莊并重 芸莊之後嗣矣乾隆辛未秋日彭  
啟豐跋於紫陽書院

李勉百先生跋

右遺言幾則 芸莊先生疾草時所書以貽其令嗣者也馬氏

系出平南卜居洞庭西山世有隱德先生承其家學筆耕終老

恂恂循循綽有古人風觀其臨沒遺訓猶以孝友大義相囑勉  
則生平所守概可見矣歲辛酉令嗣中美自山中來有山人樸  
茂氣余樂與之遊遊數載稔先生行最悉一日手是卷相屬予  
慨然曰今之士夫家蔑越先人矩錯者比比矣於遺言乎何有  
而中美顧兢兢焉予因是而喜其能率也蓋知芸莊先生之  
能教也且中美守遺教以教後人復奉以勿墜將繩繩相率而  
無敢替也譬諸築室猶墻之固歟予見其隆然而日上已乾隆

庚午十月長洲後學李繩跋

王西庄先生跋李蘇題

馬氏爲洞庭西山著姓秀者習詩書愿者躬耕稼家法最爲脩  
謹 芸莊先生其白眉也觀其臨沒訓子遺屬蓋已抱疾危殆  
墨淡字歆弗能莊束然皆格言名論卓然可作禋身理家模範  
者則其生平之品概固畧可見矣而行草亦尙有古人風非今  
世流俗人書可比予尤嘉馬氏之後人能寶重遺墨靡所失墜  
所謂挈瓶之智不失守器鑿楹納書能舉其辭者於今復見之  
矣昔鄭康成有戒子益恩書徐勉顏之推均有家訓然未聞其



子孫裝池藏弃又遍求人題識之也而今馬氏之後人能若是孰謂古今人不相及與凡遺訓中所諄諄譁諉者必克允蹈之而不第付之空言焉必也 昔

乾隆四十年秋七月進士及第通議大夫光祿卿前史官西庄拙老人王鳴盛跋

景陽舊譜凡例

一爲圖於前以統世次爲譜傳於後以著其行其書之法書諱書字書號書行書配書子書生卒葬遷居書贅書出嗣失者闕之隨其親疎遠近不無詳畧然以世統之雖久不紊也

一是譜以四世爲一圖蓋倣歐陽譜例且按蘇氏親親之意

一是譜不以富貴顯達有所攀援不以貧賤隱晦有所遺棄其系世絕則註明其下以垂諸後以防郭杜之謬認也

一各派散徙他所相去久遠不能詳知者止載其里寓姑闕其

下以俟考續

一各派子孫有為人後者當註明本名之下

一各派有隱德而行高端方而正直為世所重者宜著小傳以

詳之以四世為一圖蓋妙剋則譜同且對猶天際際之意

一各派或有詩文及名人碩士所贈詩文像贊碑銘行狀悉當

錄於譜後

後例

一異姓承祧及娶再醮婦帶來前夫之子槩不許入祠載譜



一吾族無後之人有以間世爲嗣者則云以某姪之子爲嗣孫使其各有祀而不紊亂宗支

一長幼次第失於序述編列非我等之簡畧綠有遷寓他所者有出贅遠方者有在外生理者難以稽查歲月時日止編列排行字號於名之右使後得以查核

一宗譜須以三十年一修庶無遺失滲漏向與無錫青陽合刻而今祇修平南一支者因道遠支繁恐稽延歲月且本支

力綿不能聯刻今倣歐陽氏譜例五世之外子孫各詳其各

所自出若後之子孫仍欲聯合此亦盛事也

乙未續修凡例

一舊譜於諱字之外別安一字派復第其次序曰某派第幾公此意似近諡法使子孫不至呼祖宗之諱與字耳但此祇可行於族微丁寡之時而不能施於族盛丁繁之日故前庚子之續修已畧之矣今茲續輯止於祥藝秀念十二世則於旁大書其派行曰某派第幾公於十三世起則於諱字之下細書其派行曰某派行幾其自庚子之後則止於諱字之下書

其字派而不復第其次序非簡也亦因革損益之大凡也後  
之覽者勿以苟簡詆訾之

一近世宗譜其派行總派數十字如禪家宗派使遷居隔別之  
宗人誦其字派卽知其倫序此例甚善吾宗前輯分馬城洞  
山前堡三支其三支中又立十餘字派茫無頭緒閱之徒亂  
人意不知前人何取如此繁重芟雜之爲然旣分則難再合  
今姑存之以統世系其遷居者刪之派行字樣則四世爲一  
輩取其畧可句讀以便記誦分爲七支另書總圖之後後之



嗣修者宜倣而行之

一宗譜之修止以書祖宗之諱字耳非口呼而明道之也而口

呼明道亦在所不免今旣於前例畧有改更故自祥藝秀念

下十二世則於頂格之上稱派曰某派幾行公子至十三世

起則直書其字曰某字公子於第六圖則直書其字而不稱

公此亦分別遠祖近宗之一則也

一景陽公譜例有云各派有隱德而行高或端方正直爲世所

重者宜著小傳以詳之此亦善善欲其長之意且使後之人

有所觀感興起於爲善而不敢於爲惡也乃後例則云自行  
諱字配子五柱之外不得多書一字得母近於人之有伎娼  
疾惡之之意乎茲續斯譜仍倣前例凡孝子節婦及年高德  
劭可儀型一族者或立端傳於前列或著小傳於表內要於  
合族之公評不以貧富而有軒輊斯則吾族區區鼓舞一微  
權也後有繼作當不河漢於斯言

一女子適人前譜間有載女夫姓名者必係有勲爵之人非以  
誇門楣也以示不苟爲婚之意也茲續修宜倣前例凡女夫

有名位者則書之其齊民槩不登載

一凡子姓過房入贅他姓者祇於本生父母名下註明入贅出嗣某里某族而不復載其子孫若彼出姓歸宗則仍收入

一歐譜則五世爲一圖蘇譜則四世爲一圖愚意五世則苦方幅之狹四世則乖袒免之義茲輯世則限四而於頂格外書高祖之名則四世而兼五世之義又於其共高祖者劃一直線以隔別之使覽者於五服世數一目瞭如殆可謂兼二氏之長



以上數條皆鄙意補前人之未備者夫譜不過記族人之字  
諱耳非如作史者有褒貶筆削之權也然一秉筆間而去取  
亦存焉何怪乎昌黎論作史有天災人禍之說哉惟直心而  
行期前不愧創而後無遺譏於繼斯可矣區區鄙衷所謂小  
子何敢讓焉者也後有作者其將有鑒予茲心

二十世孫尙謨識

庚子再輯凡例

一卷首恭錄

欽定條例一應敬避全文使族人出語命名咸知敬避所以教忠也

一譜內逐頁詳較一應敬避俱逐一改刊以昭恭敬

一原譜除改刊一應敬避字句之外未嘗增易以隔家迢遠往返閱時不及協同原修祇與現在長湘者數人公仝較刊要歸於是而已若改刊誠是卽可以少補於原修諒不致目爲多事耳並將改刊頁數詳明附載以便查輯

首部增條例叁頁 校刊目錄第首貳叁頁 序第十  
五頁十六頁闕十七頁 像贊第二十頁 本傳第

卷十二頁 墓銘第三十九頁 墓表第四十七頁  
傳七十二頁七十三頁 啟第八十七頁 凡例第  
一百頁一百一頁增第一百二頁 卷首第八頁

貳部

校刊檢閱宗譜示例一頁 湖廣洞山支系圖第三頁五  
頁七頁八頁十頁 二圖第三頁 三圖第六頁  
四圖第一頁四頁五頁十八頁二十頁 五圖第九  
頁十一頁十二頁十八頁二十四頁二十五頁三十  
廿頁四十頁四十一頁四十二頁四十三頁四十五  
頁四十六頁四十九頁五十一頁五十二頁  
五十七頁六十二頁

叁部

校刊洞山第六圖第十六頁十七頁二十一頁二十  
八頁三十一頁 瞳里支系圖第一頁自三圖至五  
圖第一頁二頁三頁四頁五頁六頁七頁 湘潭支  
系圖第二頁 四圖第二頁 五圖第十四頁十五



頁中增又十四頁 六圖第十九頁增二十頁

肆部 校刊前堡系圖第三頁 四圖第十七頁 五圖第

一頁三頁四頁九頁二十四頁 六圖第一頁二頁  
共改輯七十九頁 中增二頁 共計八十一頁  
創修續輯年月并纂修名氏列後

初刻明成化十二年丙申創修十二世孫春字景陽

二刻明崇禎八年乙亥纂修十七世孫世隆字鄒嶧自丙申至

乙亥凡一百六十年

三刻康熙二十六年丁卯續修十七世孫凌漢字伯高十八世

孫柱勳字漢銘與無錫兆良字公眉青陽鼎元字建侯合刻

四刻康熙五十九年庚子續修十七世孫宏德字厚載宏儒字

天民十八世孫敦義字德彰十九世孫琪字叔美自丁卯至

庚子凡三十四年

五刻乾隆四十年乙未續修十九世孫顯嶽字永齡二十世孫

尙謨字履銓世堂字大名二十一世孫世傑字武安自庚子

至乙未凡五十六年

又於乾隆四十五年庚子十九世孫顯嶽字永齡騏字載昆靖

字廷獻二十世孫世均字大邦二十一世孫學燧字柱唐公

全再輯

二十世孫世以字大派二十一世孫學淵字沐以公

到四十五世東千十六世孫顯魁字天儲期字海以故

末凡五十六世

始宅靈鏡世堂字大春二十二世孫世期字海安自與千

止故源劉四十五世末顯魁十六世孫顯魁字天儲二十世孫

東千凡三十四世

天凡七人世孫世期字天儲期字天儲期字天儲期字天儲期

四世孫顯魁字天儲期字天儲期字天儲期字天儲期



馬氏家乘世系前表卷之首

第一世

援

字文淵扶風茂陵人佐漢

光武中興官

拜伏波將軍

封新息侯卒

諡曰忠成配

蘭氏子四廖

防光客卿女

三長女為明

帝皇后諡曰

明德其二無

攷公事詳

第二世

廖

字敬平官羽林左監虎賁

中郎將晉衛

尉封順陽侯

諡曰哀子二

豫遵

第三世

豫

字闕官步兵校尉坐投書

怨誹免子一

度

遵

字無攷少襲

廖順陽侯爵

晚徙封程鄉

侯無子國除

第四世

度

字未詳元初三年安帝追

錄舊勳襲封

穎陽侯爵

後漢書本傳

防

字江平由黃

門侍郎擢中

郎將遷城門

校尉以破西

羌功進車騎

將軍拜光祿

勳封潁陽侯

徙封翟鄉侯

子二鉅珉

鉅

字無攷官黃

門侍郎嗣襲

潁陽侯爵遷

長水校尉子

二寶寔

寶早卒無嗣

寔

字仲盈官拜

使匈奴中郎

將漢安帝二

年以破匈奴

功晉度遼將

軍子翼

事詳後漢書

南匈奴傳中

珉

字季實官黃

門侍郎子誠

誠

字叔才子一

日能

光

字無考由黃

門侍郎進越

康

字無攷官黃

門侍郎進侍

騎校尉遷執

金吾拜衛尉

封許陽侯坐

寶憲事罷官

子二康朗

客卿

字無攷幼而岐嶷六

歲能應對公

卿父甚奇之

以為將相器

故以客卿字

焉早夭無子

朗

字無攷官黃門侍郎封合

鄉侯無子國

除

中坐寶憲歸

本郡被殺無

嗣



第五世

諱寔子

翼

字未詳官中郎將出為張掖太守子釜

諱誠子

能

字子成子一鼎

第六世

釜

字伯才官太史令子櫨

鼎

字季才官至開府儀同三司遷居東郡在平縣子周

第七世

櫨

字東白官桂林別駕子殷

周

字賓王才高學博唐貞觀中代中郎將常何上書稱旨拜監察御史轉中書舍人中書令卒高宗追贈左僕射垂拱中

第八世

殷

字季顏官京兆尹子二媽戈

載

字無考唐咸亨中為司列少常伯終雍州刺史子二文蔚文盛

戩

字尚平官侍御史子文昌

第九世

長子 諱殷

媽 字伸紫子一  
琅

次子 諱殷

戈 字叔紫無攷

長子 諱載

文蔚 字闕子一  
弼

第十世

琅 字君玉子一  
砥

弼 字闕子一天  
倫

第十一世

砥 字頑石子一  
逸 遷居東郡  
荏平縣

天倫 字無攷子  
總

配享高宗廟  
庭子二載戩

第十二世

逸 字安之子二  
君輔君弼

總 字會元元和  
中為安南都  
護建銅柱於

文明

謹載  
次子

文盛

一衡

字仲明官  
起居郎子

衡

字無攷子一  
天然

天然

字無攷仕  
至大同郡

綉

字無攷子一  
永孝

漢故處劄刻  
唐德以明伏  
波之裔擢拜  
彰義節度留  
後子一永思

謹載  
長子

文昌

字闕子一  
璘

璘

字無考至德  
初從李光弼

天表

字闕官至  
金吾將軍

綱

字仲仁官徐  
州刺史子一

攻史朝義於  
洛陽功第一  
官四鎮節度

子一綱

永壽



諱  
次子

文明

字闕累官  
至寶謨閣

大學士致仕  
卒子一班

第十三世

君輔

字佐之子  
二暉暘

班

字無攷子一  
燧

使封扶風郡  
王為唐中興  
名將子二天  
表天成

第十四世

暉

字孟明後無  
攷

燧

字洵美唐寶  
應大歷建中

時屢立大功  
進封至北平  
郡王卒諡莊  
武子一暢

第十五世

天成

字無攷子  
一紀

暢

字未詳累官  
至金紫光祿

大夫少傅中  
書令子一繼  
祖

第十六世

紀

字無攷子一  
處

諱  
孝子

子諱總

永思

字無攷子  
二岁岑

岁

字無攷官杭  
州學錄子雍

雍

字無攷子一  
異

異

唐時以詩名  
子一藉

眺

字仲明仕梁  
為著作佐郎  
中書舍人子  
一樞

樞

字要理博通  
經史尤善老  
佛梁邵陵王  
綸引為學士  
侯景之亂隱  
處茅山陳天  
嘉元年徵為  
度支尚書不  
就頤神邱壑  
至大建十三  
年卒事詳陳  
書本傳子一  
繩祖

繩祖

字貽孫子  
一季

諱綉子

永孝

字無攷子  
一自然

諱綱子

永壽

字無攷子  
一自強

諱紀

處

字闕子一自  
立

岑

字未詳子一  
克

自然

字無攷子  
一克

自強

字無攷子  
一廷璋

自立

官池陽令  
子一元之

克

字未詳子一  
翁

克

字無攷子一  
胃

廷璋

字無攷唐  
末官至中  
書令子一洵

元之

字闕子一  
澹

翁

字允元官至  
工部子一節

胃

字無攷子一  
竺

洵

字伯始官大  
理寺卿子一  
富

澹

字闕子一貴



子 暢

繼祖

字無攷官

拜殿中少

一自知

詳深陽譜

祖 諱 繩

季

字如夢號梅

月翁知桂陽

縣事子二曙

時

第十七世

第十八世

第十九世

第二十世

曙

字叔昕子一

輔

輔

字季叔為壽

春令遷荆州

刺史子一師

謨

師謨

字希典任

豫章守轉

九江刺史子

子龍鳳

時

字叔明無攷

子 護異

子 護節

杉甫官著  
郎子一德

子一德

字闕子一通

由 字闕子一遠

德成  
字闕子一  
萬龍

德昭  
字闕子一  
萬貂

通  
字闕子一萬  
貅

遠  
字闕子一君  
璽

萬龍  
字闕子一  
日休

萬貂  
字闕子一  
日寅

萬貅  
字闕子一  
日起

君璽  
字闕子一  
稽

日休  
字闕子一  
正思

日寅  
字闕子一  
九思

日起  
字闕子一  
鉉

稽  
字安道官工  
部尚書知制  
誥子一鐵

世

第二十二世

尚書子一君  
寵

闕官兵部

第二十三世

君寵  
字無攷官  
浙江提舉  
鹽運使子馭

馭

字闕

第二十四世

字應夢唐  
文宗開成  
中庶官至集  
賢殿大學士  
後無攷

仲魚

字若夢官  
至散騎常

侍遷居宿州  
閔子鄉